

KHUBLEI KHUBLEI

NGAN PYNSNGEWSIH LEI

DA

U BERNARDINE SHIJI LYNGDOH

SIEN SHON BA-NYNGKONG

1997

IA KA HOK LONG-TRAI LA TYNGKAI

CHECKED

State C. Ford Library

Oct 1997

SHI KYNTIEN NA U NONGTHOH

Nga sngewnguh ia U Blei Trai Kynrad Nongbuh Nongthaw uba la plie lad plie lynti ia ki Jingmut Jingpyrkhat jong nga ban jam sha kane ka Lynti jong ka Thoh ka tar u Hynniew-Trep kaba ngam pat ju shah ktik ne mad ia ka mynno mynno ruh. Na kata ka daw, lehse ngan nym lah ban pynbang pynthiang ia ka katta katta wat la nga la sei lut buit bad bor. Nga kyrpad pynban ia phi hi Nongpule Ba-icid, ban nym thew nym woh eh; ia ki jingduna jong nga ha shi lynter lynti jong kane ka Khana; namar nga tip ki don bun ki lum bad ki them kiba ngam pat lah ban pynbiang.

Nga ai ka Jingkhublei, jingkyrkhu kyrdoh bad jingkit-bok kit-rwiang ia I Bah Nelson Syiemiong iba la iarap ia nga met bad mynsiem ha kaba ia dei bad kane ka Khana. Kumjuh ruh ia I Bah T. Rngaid iba la iarap lem shuh shuh ban pynbit pynbiang ia kane ka Khana haduh ba kan da mih pyrthei syndon bluit. To U Blei Trai Kynrad Undon ryngkat ha ka Jingim jong phi, bad ba phin nang lah shuh shuh ban nang ai mynsiem ia nga ha kane ka Kam ban pynroi pynsan ia ka Thoh ka Tar Khasi.

Khadduh eh, nga pyntip ha ki Nongpule baroh ba kane ka Khana kam dei kaba da thmu ne thew iano iano ruh, hynrei baroh ka long kaba la shu mut-dur hi da u Nongthoh. Nga kyrpad de ba phin sngewbha ban ia ai mynsiem biang ia nga da kaba pule ia kane ka Khana khnang ba ngan nang lah ban bteng shuh shuh sa ia kiwei de ki Khana.

KHUBLEI SHIBUN

B.S. Lyngdoh

*Dated Mowlali,
B. P. O. Thynroit,
Via—Smit.*

LYNNONG — I

U Namdathew u dei u khun nyngkong jong i Kong Diahunlang bad i Bah Kyrshanlang kiba shong ba sah ha phlangdiloin. Ki ia don hynriew ngut shi para. Ki para jong u ki dang ia rit baroh lait noh uba bud u la kham heli. Ka ing ka sem jong ki kam long kaba ich ba kot hyrrei ki long kiba duk nan-arka'ta kim long kiba in pahuh pahai kum kiwei pat. Ka Kong Diahunlang kam long kaba nang ba stad. Ka ia poikha bad u Kyrshanlang da kaba pynhiar synjat later ha khnat U Blei u briew. Kumta ki im ha ka rep ka iang ban pyndap bam ia ka iing ka sem.

Kum kiwei pat ki para khynnah u khun u Bah Kyrshanlang ruh um pynlehnnohei ban dii ia ki umjer ksiar jong ka jingnangjingstad haduh ban da poi ia ka B. A. II. Ha kawei ka sugi u paralok u wan kai ha iing u Nam u ia purkhana shaphang ka jingleit pule, u kylli, "Kumno, phin dang bteng biang ne em ynda phi la pass ia ka B. A. II?" Ka Kong Diahunlang ka jubab, "Tip dang denbor shuh phi hep ban bteng biang ia ka jingpule. Ngi long kiba duk, bad lada u pass, te un hap ban wad noh la ka kam ban kyrshan lem ia kine ki para, ha shuwa ba un leit iing briew." Ka ai de uta u kwai ba kin ia bam. Bad kumta ka mih noh bad ka ich biang ia ki baroh arngut. "To sa nang ia shongkai bad I Nam mo hep, ngan leit donkam shuwa shatai sha iing ka paralok."

Haba ki ia don biang tang para maki, kumne ki la ia pur biang sha ka kam kaba kim pat lah pyndep. "Nam, kylli nch ia i to i Susan kein i khun nyngkong jong i Bah Kheinkor bad i Kong Korder. Ito te i ba bhabriew, i ban ialeh matrik mynta u snem."

"Ia kato te, nga ruh nga da i shoh jingmut kein, tangba kumno kein ngan sdang, haba shisien ruh ngam pat ju iakren bad man kaba iohi ne iakynduh ia ka nga shu peit bad ka ruh ka shu peit ia nga; Imat lada nga kren ne lehshalak kato te kaba i don jingmut me ianga." La nang kren skhem shuh shuh u Nam halor ka jingai jingmut U Danny. "Nam, ka bha ba men thoh noh da ka shithi kein, la ka pdiang ne em ia Me," la lam ksai shuh shuh U Danny. "Kata, te ka bha pynthoh maphi kein, phi uba la kham experience ha kane ka kam, bad uba kham bang ktien bang thylliej, Nga te ngam pat nang wat ban thoh shithi kylli ruh. Nga ngeit ba phin nym sngewsalia namar kumba phi la kloi ban ialam jingmut ia nga sha kane ka phang kumta phi dei ban long uba kloi ban iarap ia nga ha kane ka bynta". "Kumno kumta, kren bieji! Wat u khyannah class IV ruh u thoh shithi samla thik thik, phi pat uba la Poi sha ka kyrdan Bachelor of Arts ruh phi ud pynban, bym nang ban thoh shithi. Nga sngewlyngngoh shibun, balei mo phi tynjuh ia nga katne katne, phi shu tharai ba nga la explore lut seh ia ka kam samla?"

"To niurma jait ba phi ong bym nang thoh, to khie shim u khulom bad ka kotsada, ba ngan pruid kai." Mar kumta U Nam ruh kumba iuh tdong bsein u la rynsied joit sha ka u la shim ia u khulom bad ka kotsada, u shong bha, kynjai ha ka shuki, bad u kyrshan la ki tymbuut halor miej. Shi sien peit ia u, u don ka main Nongbishar "To kein Nam ngin ia sdang noh ia kane," u la ong.

'Nam, shisien ba nga la ruid ia la u khulom ksiar ha kano kano ka kot sada, bad phah ia ki sha ki thei bhabriew, ym ju don koit kaba pvnphai thylli ia ka shithi khlem da kit ruh ia ka ktien, "Nga ruh nga ielt ia phi," la batai sarong U Danny. Kumta hi u la sdang ban pynshad ia u khulom halor ka kotsada.

Dear Susan,

Da ka jingbym banse ba la kynthoh than i sni jingieit ia u klongsnam nga shim ine i Mr. Pen bad i Miss Paper ban ioh ia syllok bad phi. Kyrmen ba U Blei ka jingieit un ri ia phi, bad ba phi lah ruh ban pdiang ia kane ka jingtyrwa joing nga. Hooiid ngam pat ju ioh lad ban ia kren markhmat bad phi, wat la nga ju ithuh teng ia phi bad la ju ia kynduh ruh ha bun ki khep. Hynrei nga shu kyrmen ba phi nym sngew kyndit : To shim ia kane ka jingwanja ha phi, kumba ia long lem ha man la u briew ne ka briew ha kane ka pyrthei,

bad lada lah sngewbha wat nym pynpaw pyrthei
ne iathuh hano hano, hynrei ai ba kan long
kaba rieh. Bad ai ba kan sah tang ha ngi
baroh arrgut ia mynta shi per.

Nga da kwah eh ban ia kynduh markhmat
bad phi, khamtam ban iohi biang ia ka dur-
puri-blei jongphi, hynrei ka lad ka khang, bad
ngam banse ban shu thoh noh da kane ka shithi,
ba kan kren na ka bynta jong nga. Ah ! katno
da shisha kine ki dak hangne ki long kiba
donbok ban ia u Nongdraw ia ki, ha kaba ki
lah ban ia kynduh markhmat, ia ki khmat jong
phi, bad kumjuh ruh ha kaba ka kti balung
jongphi, kan ich ban bat ia ki. Te lada phiin
i mon ia nga ruh, leh sbun ia ki, pule briah
bad peit ia ki, kin knen bad puh samrkhie
kylliang ia phi, bad nargta sa phah jubab sha
nga ruh, namar nga thrang bad sliang ban
pdiang ia ka jubab na phi.

Te tang katne shuwa ngan sa bteng biang
hadien lada ka mon jongphi kan dem bad ai ka
lad ia nga ban leh kumta.

Khublei shibun.

U Paralok jongphi,

U Namdatheh.

Hadien ba la dep thoh, U Danny u la pule jam, ban ai lad ia U Nam ba un ong la ka biang ne, em. Bad nangta u Nam ruh u shu wiat muin khlem nang ong ei ei shuh. Te ki ia thep noh ha ka Envelop ba don dur syntiew bad thoh ia ka kyrtong jong ka Susan. U Nam u la aiti ia kata ka shithi ha u Danny ba un pynpoi sha ka Susan.

Ar sngi hadien u Danny u ia kynduh ia ka Kwira ka ba kha la jong ha iew Umdohlun. Te u la iawer dih sha ia ka. "Ia ngin ia leit dih sha shuwa phi kong Heh." "Ngam da sngewkwah phi bah Hep. Khie rang leit dih tang maphi seh. Manga nga dang shu ia dep dih kumne". "To, ia phi kong Heh sa ia ka sha ruh", La ban ktien u Danny. "To, ia jait ba phi long bah Hep bad phi la ong eh." Nangta ki sa ia leit beit sha kawei na ki dukan ba i kham kynjah briew. Kumta ki ia pur khana ia kane katai. U Danny u sei artad ia kata ka shithi ba phah ai u Nam sha ka Susan. U ong "sngewbha sch pynai lem kane ka shithi sha ka paralok jong phi, Ka Susan ba phah ai u paralok jong nga." Ka Kwina kam kyngah ka ong, "To ngan sa leit pynai manga sha ing jong ka."

Shi taiew hadien kane, ka Susan ka la ioh ban pdiang ia ka shithi na ka paralok jong ka, ka Kwina kaba la wan kai sha feng, ban wan ai khnang ia kane ka shithi. Ka Susan ka la shim ia kata ka shithi na ka Kwina bad

ka la thep khop ha shadem ba la pyndait bha da ki bra (ki jingsop shadem ki kynthei). Ka Susan ka la suhjer bad par ka sniehdoh, bad ka la long nervous bha.

“Kwina nangno mo, phi ioh ia kane ka shithi?” ka la kylli.

“Nga la ioh na iew, ba la ai uto u Danny te pha”, la jubab ka Kwina. “Ka dei ka jongno?” la kylli ka Susan.

“Tip kein, nga ruh ngam tip, namar, u Danny u shu khot bad khawoit kti, ia nga, ban ia leit dih sha ha Restaurant, bad baroh ki briew ki la shu ia peit te pha ia nga. Nga la lehiam bha, tang ba ngam banse pat de, jait ba u pynbor eh ia nga. Hadien ba ngi la ia dep dihsha, u la sei na pla ia ka shithi bad ai ha nga ban pynpoi sha phi. Haba nga kalli mano ba li thoh, um shym la ia thuh. U shu ong pynban,” It is a secret, “Te sa pule kein, phin sa tip hi, bad sa da ia thuh lem ia nga ruh,” Ka la ong.

Te hadien ba ka Kwina ka la dep ai ia ka shithi sha ka Susan, ki la ia shongkai, bad ki la ia bam kwai kumba ar kyntien ei ei. Ka Susan ka la phah ban tiaw noch da ka sha, hadien ba la ih ka sha, baroh ar ngut ki la ia dih sha bad katba ki dang ia dih sha, ki la ia pur Khana shaphang kane katai, khamtam ha kaba iadei bad ka

jingialang samla, kaba ki la ia mad ha ki por kiba la leit. Hadien kane, ka Susan ka la ia song kwai biang shuwa ba ka Kwina kan leit noh.

“To ho, nga la leit neh shuwa, sa nang shongsuk shong sain bad ngin sa ia kynduh pat hadien”.

“To kata, sa da leit suk leit sain bad kymaw lem ia nga ruh”, la kren khublei ka Susan.

Tang mar ia mih noh ka Kwina, ka Susan ka la her bran sha jingthiah, bad ka da dem pyllup halor ka jingthiah bad suki jai ka la sei ia kata ka shithi bad ka plied suki suki, katha u klongsnam jong ka, u kyndeh sted bad phaloh kumba phaloh ka umthnam ha u khiew ba dang thnam bha.

Haba ka la dep pule, ka la khaprip ia la ki khmat bad shiphang ka puson aiu kan leh, namar ha kata ka por, la khie ka jinglong briew bad kam nang pyrkhat shuh ia kaei kaei ruh,

Te sa shisien ka la khyllie biang ia la ka khlieh bad suki jai ka pyniaid ia la ki khmat ban bud dien ia kita ki dak ba la ruid ha ka kot sada. Khadduh eh ka la pule jam, “khublei, Nga long u paralok jong phi, U Namdathew”.

Kumta, kumta hi ka la ong ha la marwei
 "Ja la ka jong ka jingim nga dei ka Nonglam
 lynti". Bad ka la rai ban pdiang ia u Nam,
 kum u baieit jong ka.

Ka la shim ia u khulom bad ka la thoh
 rynphai kloih u Nam, ba ka pdiang ia u,
 bad naduh kata ka kynta kan long beit ka
 jong u bad tang bad u kan im kan iap ryrngkat.

Bedroom:

Dear Bah Nan ,

Dt. ,

Hapdeng ka jingkoit bad ka jirg-
 khiah bha, nga la ioh lad ban pdiang ia ka
 shithi jong phi.

Bah Nam, tang shu ioh pule
 ia kaei kaba phi la thoh ha ka shithi nga
 ngam jlang sha ki niamra jong ki jingpyrkhat.
 Dei tang ynda la slem slem, ba nga sa lah
 ban rai bad ban ai kane ka jubab ha phi.

Nga ruh Bah Nam, nga pdiang
 ia phi kum u Baieit jong nga naduh mynta
 haduh ba kut ka jingim. Bad nga shaniah lut
 haphi; bad tang ha phi hi. Ai ba kane ka
 lieng ka jingieit kaba ngi king kan kie suki
 pa suki hapdeng ki dew jong ka duriaw ba
 shyrkhei. Hynrei nga shaniah ba phin long
 u maji uba tip shano ban iaid bad ban pyn-
 phai. Bad nga ngelt ba phin nym iehnoh ia
 nga ynda la poi hapdeng ka duriaw kaba ma,

lym kumta ka jingim jong nga kan sa shah
nguid ha ka jingjylliew jong ka duriaw.

Tang kane nga sngew ban ong
ba U Blei uba tip un iohi ia ngi bad un
iai sumar ia ngi kumba u leh naduh ba sdang
ka jingim haduh mynta.

Khublei shibun.

Nga long ka paralok jong phi,

Ka Susan.

Te haba u Nam u la ioh pdiang ia kata
ka shithi u la kmen bad ka khmat jong u
ka la phuh kum u 'Nai khadsaw synia, uba
shat jingshai sha ki thwei pung ba jylliew
sha bym iohi ki khmat briew.

Naduh kata ka sngi u la ioh ban dih
bad mad ia ka jingieit samla, u la sngew
ialade kum u simpah simsong ba la ker kut
ha baroh sawdong da ka jylli ka jingieit. Kane
ka jingjia ka la long da shisha ka Eden ha
ka jingim u Namdathew.

Katba u Nam, u dang phohsniew bad ba
ki jingmut jingpyrkhat jong u, ki dang jngi
sha ki pung ba jylliew jong ka jingieit, ki
por ruh ki shu her bad mareh sted bad
khlem lap ba sngewthuh kumno ki sngi ki
mih bad kumno ki leit. Katba ka Final Exam.
U Nam ruh ka la da poi ha khmat.

"Khun!" la khot u bah Kyrshanlang ia u Nam ha kawei ka step "Oi Pa" la jubab pynkloi u Nam, uba ki jingmut jingpyrkhat ki dang tyllun bad her sha ka Susan bad sha ka Exam kaba la ha thmier eh.

"Ka Exam ka la jan, bad nga kwah ia me, ban pass bha, bad lada me pass bha sa mynta, nga kular ban kyrshan ia me ban leit pule noh ia ka Honours bad nangta sa ia ka I. A. S. Me sngewthuh?" la kren jam u Bah kyrshan ban ai rrynsiem ia la u khun.

"Tip kein Pa, ngam nang pyrkhat ka por ka la dier de shisha, wat la katta ruh ngan pass hi, la ngam lah shuh ban wan sha khmat ruh" la kren pyneh rngiew u Nam ialade.

"Te lano Men leit sha Shillong ban leit khreh kot?" la twad jingmut u Bah Shan. "Sa shibnai tam ba ka Exam kan sdang te ngan leit noh la shem taiew kein Pa". u la iathuh.

"Tang ba mem dei shuh ban pep ha kato ka taiew, nga ngeit me la sngewthuh hi ia la ka kamram". La kham ban shuh shuh u Kpa. Bad mar kumta u kpa u la mih noh shabar bad ieh ia u Nam rarwei hangta ha kamra shongkai.

Haba kumne, u don marwei u pisa jingmut kumno ban pyn tip sha ka Susan shaphang ka por kaba un sa leit noh sha Shillong.

Te ynda u la shong pyrkhath shipor ar por u la rai ban leit ia kynduh hi dalade. Bad ba u kwah ruh ban ia kynduh mar khmat 'bad la ka jong kaba ieit. Mar kumta u la her bran bran sha iing ka Susan.

Haba u la poi ha phyllaw iing, ka Susan ka dang ai jingbam ia ki syiar, bad kam shym la iohi ia u Nam, uba dang shu poi bad ieng hadien jong ka. Kane ka dei ka sien nyngkong ka jingiakynduh u Nam bad ka Susan.

"Ani, phi smat mo kong Heh, phi te i ba da ieit shisha ia ki jingri jingdup" la kren nyngkong u Nam, uba la kyndeh eh i dohnud tang mar shu iohi ia ka dur bhabriew jong ka, la kum u tiew kulap jong ka pyrem.

"Oh! phi wan shano Bah Bah? phi la poi slem?" ka kylli, "Ale seh ia rung ha iing" ka la khot ia u.

U Nam, u leh mynleh kum ba um mon ban rung, bad u la ong "to phi ngan leit kai shwa sha iing ki paralok, bad 'ngan sa wan shibit ynda la wan phai" "Oh phi sang seh ban rung ha iing jong ngi kiba duk?", ka ruh ka act ialade, kumba ka da sngewsih eh ia kata ka jingleh mynthei u Namdathew, ialade ka leit kloi ban plie ia ka jingkhaw kamra shongkai, bad ka da ong artad. "rung sieh bah bah wat leh roh than". Kumta u la rung kluk hapoh iing da ka jingsted la kumba her u khnam ba siat u Khatarbor.

Ha iing ki la ia shongkai tang baroh arngut hi hynrei ka jingkmén jingsngewbha kaba la shu thiam hapch jong ki dohnud jong ki ka la long kaba la palat liam.

“Kongheh ! Shano i Mei i Pa jongphi ?; ki ia leit jingleit ne ?”

“Hooïd, ki la leit sha Shillong bad kin wan phai tang la shai ka tngi”, lada ki lah ban pyndep kam; bad mynta, don tang i Bahderg, i Bahrit bad kine pi para”, la jubab ka Susan.

“Kongheh nga kwah ban iathuh haphi. ba nga kyrkieh palat, bad kun ne ngan leit noh, ioh i pa bad i mei kin sngewsih ia nga, lada nga slem. Nan ar ngam shym la iathuh te ha iing, hynrei nga la shu jah klep la kum u Lutdih duma hi thik.”

“Wa ! Phi te, phi leh kum uba shah beh ha ka lyer, bad phim lah mo ban bat la kam ia la ka mon. Ieh lada phi sting eh kum u staid, ngan pynbat manga, ioh phi shu her kha ma kha”, la biria ka Susan ryngkat bad ka rkhe sha he.

“Shoh phi, Kongheh, wat da biria eh seh. Nga leit ia phi, kham palat ban ialade. Na kata ka daw keñ ba nga sa wan shane ruh, nga mut ban wan iathuh ia phi, ba i pa in sa phah noh ia nga sha Shillong ban leit khreh kot. Bad nga hap ban leit ha katei ka Monday ka ban wan”

“Ngam kwah shuh, phi Kongheh ban khlad na phi. Bad lada lah ban sah ryngkat bad phi nga sngew kumba nga la phong ia ka pansngiat Syiem. Tang kane kawei nga tip, ba wat lada nga jngai naphiruh, ka dohnud, bad ki jingpyrkhat jong nga kin iai sah bad iai don ryngkat bad phi”, La iathuh u Nam ia la ka jong ka jingsngew.

“Te sa shi taiew, ym dei Bah bah?” la kylliang ktien ka Susan. “Nga lei, nga sngew kumba ka jingim jong nga, kan sa tlor noh kum u syntiew ba la iap stai. namar ka jingduna um ka khyndew. Kumjuh ruh, ha nga bad ia ka jingim jong nga, phi la long da shisha ka umjer Ksiar kaba wan hap na bneng ban pyntngen ia kane ka jingim ba tyrkhong jong nga.”

“Phi shu leit khreh kot ne phi dang long Class?” la kylli don jingmut i Susan.

“Em, nga shu leit khreh kot haduh ban da poi ka Exam kein” la jubab u Nam.

“Bah bah, te lada phi leit sah noh ryngkat bad ngi sha Nongstoin, bad sa khreh kot ryngkat noh hangto, kan jin da la pyrkmen ia nga ban don ryngkat bad phi,” la ai jingmut bad kren khroh i Susan ia u Nam.

“Oh! shisha ngan sa leit ong ia i pa ba ngan leit sah khreh kot sha Nongstoin, ban duna

ka jinglut bad ngan sa kiew Shillong. tang ynda la jan dei ka por Exam.” Bad nangta u bteng biang, “phi ruh phi leit khreh kot sha Nongstoin kein kongheh?”, u la kylli.

“Hooïd, namar ia ka skul jong ngi la pynrung hapoh ka Centre Nongstoin ban shong ialeh Exam”, nangta ka la ai biang u kwai ia u Nam ba un bam. Kumta u Nam u pan jingmut na ka Susan lano ba kin ia leit noh sha Nongstoin ban pynkhreh ia ka Exam.

“Oh ! lano sha ngin ia leit noh ?” ka la kylli,

“Tip kein, ka bha ba ngin ia leit noh ha ka sngi Monday”, ba i pa ruh i la ong kumta ia nga.

Bad kumta u Nam u la peit ia ka baje ka la jan dep 4 baje. Bad ka la dei ka por ia u ban leit noh.

“To mo kongheh ngan leit noh, namar la jan miet. ngan sa wan iathuh biang lada i pa i ong kumno kumno shaphang kata.”

“Hooïd kein, ka la jan sep sa ka sngi, bad khamtam ma nga lei nga hap ban shet ja noh ioh thngan ki para”.

“Kongheh wat sngew ei ei ho. Ba ka jingieit ka pyn failed ia ka por, ka pyn failed

ia ka leit ka wan; bad khatduh eh, ia ka jingim u briew ne ka briew lada ngim nang ban teh lakam ia ka", U kren kum ba dei u Philosopher jong ka jingieit.

"Te khublei ieit nga la leit, Shongsuk bad kynmaw ianga ryngkat ki jingduwai." U kren khublei shwa ban jam ia u pud jong ka jing-khang iing.

"To phi ruh sa leit suk leit sain, Kynmaw lem kein bah bah ia nga ruh."

Mar kumta u Nam, u la shim ia ka kti jong ka bad u doh ieit ia ka sla kti; bad u peit sha ka, ka ruh ka ai kylliang ia ka jing-jeit da kaba leh kumjuh.

Shiphang ki ia peit iwei ia iwei, katba ki dohnud jong ki, ki kyndeh la kum u lum mihding u ban sa bthei noh hangta hangta hi,

Kumta u Nam u la jah noh na ka bad poi biang sha la iing.

Mar ia poi ha iing, u la shim ia ka Sabon Like boy bad u la leit bta khrat bad sait ia ki kti ki kjat. Ynda u la dep u la leit sha kamra shet ban tiew sha shi pela, ynda u la dep dih sha bran bran sha kamra ban leit pule kot. Hynrei ki jingmut jingpyrkhat jong u, ki shu thung thapniang bad ki her ha suin la kum u pukni uba jingoh kai ia ka

pyrthei baiar. U pynher ia la ki jingmut jing-pyrkhat ban mutdur aiu ka Susan ka leh, kumno ka iathuh khana shaphang jong u, hala ki ba ha iing bad kaei kein kaba ki dang ia kren.

Katba u dang phohsniew rania, kumne, la wən u kpa bad la khot ia u.

“Nam, Me leit khreh kot shano mo, ba me dang wan poi katta. Ne me shu lap miet tang ka leit shang.”

“Em Pa nga leit shong kai hangtai halor lum bad khreh kot artad”, la iathuh lamler u Nam ia la u kpa u bym bna ei ei ruh em, ba u khun jong u nynta um long shuh u Angel kumba u ju long. Nangta u Nam u bteng.

“Pa kan jin dı la bha ba ngan leit sah noh sha Nongstoin ban pynkhreh ia ka Exam. bad ngan sa kiew Shillong tang ynda la dei ka por Exam”.

“Balei me kwah leit khreh kot sa sha Nongstoin, hato mem juh shuh sha Shillong.”

“Em Pa, balei ngam juh, hynrei ban pyn-duna ia ka jinglut bad kan nym pynshitom than ia phi kein Pa”, U kren kum u ba da nang pyrkhat ia la ka iing ka sem.

"Te bad no kein men sah ha Nongstoin?"
La iai ban u Kpa.

"Wa! ngan leit sah lang bad u Graco
kein i khun i Meisan, ka don ka iing ba
dang wai i meisan na ka bynta jong u, ba
un leit ban pyhkhreh ia ka H.S.L.C., Exam."

"Te lano kein men ia leit?" U Bah
Kyrshan u kylli biang.

"Ki ong ngin ia leit noh la sngi Monday
jong katei ka taiew."

"To katba me sngewbit kein, me la heh
bad la samla, me la dei hi kein ban sngew-
thuh ia la ka kam."

Kumta u ieng noh bad ieh ia u Nam
marwei.

Kane ka jingleh jong u ban pynkohnguh
ia la u kpa ka pynlong ia u ban pyntip noh
kloi sha ka Susan. Bad u thoh da ka shithi.

Study Room

Dt.....

Dear/Susan,

To shim ia kane ka khubor da
ka jingmen bad ka jingsngewbha. Tang shu
ia khlad bad phi myn ha kato ka sngi nga

la ia poi jingmut bad i papa. Bad da kaba suk i la shah ia nga ban leit sah khreh kot ha Nongstoin.

Te donbok, bad kyrmen ruh ba ngi lah ban ia shem sa tang ha kato ka sngi ha iew bad sa pynbuh seat ia nga ruh ha Bus.

Tang katta, ieit, kyrmen phi shait bad phi khiah krat bha kumba nga ruh nga dang long shane.

Khublei shibun.

Na i bym lah ban
klet ia phi,
U NAMDATHEW.

Kumta u la leit ai ia kane ka shithi ha u Danny, ba un pynpoi kloï sha ka Susan. Tang shu poi u Nam ha iing, u Danny u la kylli, "Kumno Nam? Mynta te mem long shuh em, u Pukir, jait ba me la pomdaw? Ani! me te me, Nam, uba lah da shisha ban klet ia nga uba la iarap ia me ban ioh ia kato. Kato te me, ka dei shisha ka 'Khasaw' jong ki wah ka Ri Khasi, tang ba da ring bha ioh shu dkut ei u Ksai".

"Danny Men leit lano sha Shillong?, nga te ngam leit Shillong shuh me, ba shem shitom eh kiba ha iing".

"Te mem leit khreh kot shuh seh?"

"Ngan leit noh sha Nongstoin bad kiew sor tang la jan dei ka Exam".

"Ani! Nam pleng mynta la sngewthuh ba me la shah- ngat ha ka jadu jingieit". La kren siat u Danny.

"Phi kein phi ialam ia nga ban long kumne" la bynshet pat sa u Nam ia ka jing-jia baroh ha u Danny.

"Oh me dom seh?"

"Em ngam dom, I just want to remind you of the days, when you have poisoned my life," La kren show u Nam da ka Phareng syndon.

"Don't get angry man, Let us cool down, for we are friends". La khroh biang u Danny.

Kumta u Nam u la jem noh ka jingkiew shit pyrshah ia u Danny, bad mynta u la sdang ban phla ia kaei kaba la jia, katba u Danny pat u dang sngap bha kyndong ia ka jingia-thuh jong u Nam la kum u Phadar hapoh ka Confessional Box.

"Ka la pdiang ia nga bad ka da ieit shisha hi ruh", la iathuh u Nam.

"Nga la ong em ia me, ba shisien ba nga la ruid ia la u khulom ha ka kot sada, ym ju don ki bym pdiang" la sngewhieng u Danny,

“Danny nga hap leit khreh kot sha Nongstoin ban ia shngain lem bad i Susan”

“Ka ba dei me; me dei hi te ban oil bha ia ka”, la kren sngewthuh u Danny.

“Danny, sngewbha pynleit ai kane ka shithi sha i Susan, ba ngam lap por ban leit hi”, la kyrpad u Nam, uba mynta u kwah ban her noh sha la iing.

“To kein, ngan sa leit ai la shibit janmiet”.

Bad kumta hi u Nam u sdang ban ieng noh ban leit, haba kynsan u Danny u la kylli “Nam kumno, me la pynkh eh bha ne em ia ka Exam?”

“Shuh me ngam shym la pynkhreh bha satia, bad nga tieng bha ioh ngan phil”. La jubab u Nam, nangta u kylli kum juh ia u Danny.

“Phi pat phi la bam lyndet lut tharai”.

“Em me, i Mei ia nga im shym la kha ban long u niang bam kot; te kumno kein ngan lah ban bam?”

“Nga tieng bha, ioh ngam lah, hynrei shu kyrmen ha ka nusib”. Bad nangta u bteng biang.

"Te ngin shu ia kynduh beit sa tang ha Shillong tharai; ne me ong kumno?"

"Hooïd" la jubab u Nam bad u kwah ruh ban tip lano u Danny un leit Shillong.

"Phi pat lano phin kiew sha sor"?

"Ngan kiew hadien shi taiew; hynrei ngam tip tikna ha ka srgi aiu", u la iathuh hok ha u Nam.

"To, ngan leit noh shuwa bad ngin sa kynduh ha Shillong".

"To kata leit suk bad da kynmaw kein me ia la u paralok wat la ngi ia jngai mynta shipor". La pynkynmaw u Danny.

Hadien ba u Nam, u la mih noh nã ng jong u Danny, u Danny u dei u para shnong bad ka Susan kumta mar-mar u la her sha iing ka Susan ban leit ai ia kata ka shithi. Bad ynda poi hajan iing, kane ka Susan ka dang ieng kai bad la ki para. Bad khlem pynlut por shuh, u Danny u sdang.

"Kong He-hh, kumno phi long?"

"Nga shu bit hi kumne" ka la jubab.

"Kongheh shim kane ka letter jongphi ba ai to i 'nai khatsaw synnia, te phi" U laong.

“ Khublei shibun” Nangta ka la shim.

“ Ngan krat noh mo kongheh ba la sdang dum kumne”

“ Bam kwai shuwa seh shi kyntien”, ka la tyrwa artad u kwai ba un bam.

“ Ani nga la klet du, ban ai khublei na ka bynta ka jingleh shitom jongphi”. Ka la pynpaw ia la ka akor, ba wat la ka long ka khun Nongkyndong ruh, ka don hi ka akor. kaba ia dei dor bad kito ki thei ka sor Shillong.

“ Kam pher phi, na ka bynta jongphi hi, nga kloi ban phah ia la ka jingim”, la kren pyndait nia shuh shuh u Danny. Kumta u la leit noh bad ieh ia ka Susan hangta, ba kan pyndep ia la ka kam bad ba kan dih kylluid ia ka um ka jingieit kaba la thoh bad ba la pyntuid da u Nam.

Katno Ka Susan ka kmen bad dap ka dohnud ban ioh khubor kumne na la u Baieit, khamtam lei lei ba un leit khreh kot lang bad ka, sha Nongstoin.



LYNNONG II

Ki shalyntem jong ka por ki tyllun sted bad khlem da sngewthuh, kumno ka miet ka wan bad ka sngi iaid. Kumta kato ka shi taiew kaba dang sah, ha shuwa ba u Nam bad ka Susan kin leit khreh kot ka la kut noh, bad ha khmih kane ka khyrdop jong ka por ka la plie, khnang ba kine ki shijur, kin ioh ban sdang ia ka experiment jong ka jing-iaieit bad ka jingiakynduh ba kham slem.

Naduh mynmiet, baroh arngut ki la ia bun kam, ha la i jong i jong i iing bad da ka jingkyrmen bad mynsiem dap shoin da ka jingkmen ki dang ia ap ia ka jingwan jong kata ka step Monday, khnang ba kin. lah ban pynjngi noh ia i lieng kynda jong ka por ban rong bad ban kit ia ki baroh arngut sha ki thwei bajylliew jong ka jingieit.

Ki jingmut jingpyrkhat shaphang kata ka step Monday bad kata ka jingkmen ba kin sa mad; shen ka la pynlong ia u Nam ban ioh thiah bha lyngngai. Um shym la kyndit shuh, lynda u kpa u la kysiew ia u. Mar kumta u la khie joit bad u sngewialade kum ba u dang shu wan phai na sha ri ki rngai.

“Me ong ban leit noh mynta em? La kyli u kpa ia u Nam.

Hoooid pa, ngan lent noh mynta ka phi ang ba ngan ap da ka kali miet phi” u la jwab.

“Ka bha ba men leit noh mynstep kein, artad ba dei ka sngi iew, Leit shangkai noh sha iew ba men ia kynduh ia ki para samla ban ia kiew lang shibit janmiet”, la ai jing mut u kpa.

Mar kumta, u Namdathew u la khreh la khrum bad tang shi phang u la da dep. Bad shuwa ba un mih na iing ban leit kiew Bus, ka Kmie, ka la wanrah ar pela ka sha, ia u Kpa bad u Nan, ba kin iadih. Ia lade ka shu shongkai hangta bad ki. Te suki ja! kumba par i mattah, i bah Kyrshan bad i Kong Daiahunlang ki sneng ki kraw ia la u khun ha la rympei ha shwa ba un jam pud shabar la ka jong ka iing ka sem.

“Khun, leh tip sngi, bad ri la ka burom jong i Mei i Pa, bad da minot tyngheh kein ba phin dup pass”, la sneng ka kmie.

“Hooid kein, me dei ban da tip hi la ka kamram, kumno ba men pyndep. Ngi la theh lut ka spah ka phew bad ka bor ka sor na ka bynta ka jingbha jong me la shai la shi sngi”, la sneng bad kyntu u Kpa ia u Nam...

Bad ha kata ka por. Ka Bos ka la horn bad u Nam ruh u la shim ia la ka pla bad ai khublei shongsuk ia, ki kmie ki kpa bad nangta u mih ban.

Hapch Bus, u shong kum u khraw jing-mut ba u kynmaw eh ia i Susan ban bad ia ka por kaba kin sa ia kynduh la shibit ha iew.

Ka Bus ka iaaid sted bad tang shiphang ka lah da poi ngung ha iew. Tang mar shu dep hiar na Bus u la iohi kitei ki jong i Susan, bad ki kmie ki kpa, ka Kong Kordor bad i Bah Kheinkor ki dang ia ieng kai harud dukan sha. U Namdathew u ba da kwah eh ban ia kynduh ia i Susan, u la leh mynleh kum u bym shym la iohi ia ka, bad u da iaaid pyndem ia ki khmat sha kata ka dukan kaba ki dang ia ieng kai. Hynrei ha shuwa ba un poi ha jan, u la kmied khyndiat ia la ka khlieh bad u ong kynsan.

“Are! phi ia wan iew seh?” U la kylli lang ia ki baroh lai ngut.

“Hooïd” la jubab i kong Brasilia bad nangta ka la kylli sa ia u. “Phi pat; shu wan iew ne phin leit Shillong?” “Nga mut ban leit khreh kot noh phi, ba la jan te ka Exam. Bad nga shu kwah ban wan kai iew kumne ban ia kynduh para khynnah ban ia leit lang sha Nongstoin, la jubab bad batai u Nam da kaba leh kumba um bna ei ei ruh em shaphang ka Susan kaba don lang hangta. “Oh! phi ong phin leit Nongstoin?” La kylli i Bah Kheinkor. “Te sngewbha ban ia leit ryngkat bad ia peit lem ruh ia i Thei ha lynti” la kren pynbud shuh shuh u bah Khein.

“Ka bha ba ngin da ia rung dih sha noh hangne shuwa phi bah”, la tyrwa mon sngew-bha u Bah Kheinkor ha u Nam.

“Te kata ngin sa ia leit ryngkat kein Susan la shibit”, la jubab u Nam ia ka jing-tyrwa u Bah Khein.

Tang shu dep dih sha ki la ia mih noh nangta bad ia pra la ka jong ka jong.

Ynda la poi ka por ba ka Bus ba leit sha Nangstoin ka la (start) baroh ki paralok kiba ju ia ieit ia thoin bad u Nam, bad kun-juh ruh kiba ha iing ha sem ki la wan khublei kitbok ia u ba un pass bha ha kane ka Exam ruh kumba u ju pass bha bad ju ioh burom baroh shi katta.

Khatduh eh wan poi ka Susan bad ki kmie ki kpa kiba wan on ia ka ha Bus. “Leh tipsngi bad kynmaw ia la ka por ba phin pyndep khnang ba ka jingkmien bad jingrkhie-kmien ngin lah ban ioh biang ynda phi la wan phai”, la kyntu-kynpham u Bah Kheinkor ia ki baroh arngut.

2 baje janmiet ka bus ka la dei ban leit phai noh sha Nongstoin ba ka dei ka lynti kaba jngai. U Nam bad ka Susan ki la dei ban khreh leit noh.

Haba ka Bus ka la iaïd noh, nangta, sa shisien ki ia rah kti ban pynhun ia ka dohnud briew ba sliang haba shu khlad jyndat kumta. Ka Bus ka ud bad kyrhuh katba ka dang niom la ka surok ba kiew-ba hiar bad ba kyllain. Hynrei kine ki arngut pat ki ioh-thiad kynjai ba la kynoi eh ka 'lei jingieit. Kum ki Paro ksiar shi jur, ki dem ha ka Seat kaba ki shong bad ioh thiah lyngngai, tad haduh ba la poi syndon ha Nongstoin.

Kynsan kyrsan ka Bus ka sangeh, bad markhmat u Nam u kyndit bad sa kyrsiew ia i Susan iba dang ioh thiah wat la baroh ki briew ki la dep hiar. Baroh arngut ki la long kiba khatduh ban mih nangta na Bus. Bad haba ki la iaïd noh nangta kham pajih; u Nam u kylli ia ka Susan.

“Ei shano mo ba phin sah miet mynta? ”

“Tip kein, ban leit marwei sha ing wai ruh nga la tieng ba la miet kumne,” ka la jubab.

Hangta ka mynsiem u Nam ka khih dik dik sa ba un tyrwa noh ba un leit lang bad sah miet bad ka. Hynrei ka jingiatip lem jong u bad ka mon bajwat kaba u don kan shah ia u ba un pynmih shabar ia kaei kaba u sngew hapoh dohnud. Hynrei kumba u la angnud bad ba um shlan ban pynpaw; kane ka juh ka jingsngew ka wan hapoh ka jing-

pyrkhat ka Susan, ba kan tyrwa noh ha u Nam ba un leit sahnoh bad ka, ha kane ka miet.

Kumta ka ong ia u Nam "Bah Nam, phi pat shano mo ba phin leit sah mynta ka miet?" Ka la twad jingmut ia u, shuwa ba kan tyrwa ha u ia la ka jingsngew.

"Tip kein shano mo ngan leit?" u la jubab mynthei. Lada ngan leit buh ia pih sha iing ruh, ban wan phai pat sha la iing kaba ngan leit sah; nga la tieng phi; lada ym leit buh ia phi ruh kata te ka bym lah long. Ne kumno phi pyrkhat Susan?" u ia kylli bad twad jingmut ia ka.

Ka Susan, ka la pyrkhat suki jai, bad kumba shat bad khein ka la jubab ba un leit sah miet noh bad ka, ha kata ka miet.

"Ne, ia phi ia leit noh kloï sha iing wai jong nga bad sah noh kein ia mynta shi miet."

U Nam uba la phnieng ia ka shang kha-wiah shata, u la kmen bad hun hi jrut ka Mynsiem ban ioh ka jubab kaba ia dei bad ka jingkwah jong u.

"Te ia kein ngin ia leit noh ioh ba lap sa ka miet". U la ia wer ia ka.

"Ka miet kaba dum bad ka lynti kaba khohruh khohram ka la long shisha kaba sngew ngiew bad sngew tieng ban jam shaphrang. Hynrei haba shijur kumne ki don, ka Mynsiem ka shngain bad kumta ki tur shaphrang. Hadien katto katne por ki la poi ha iing.

Dei hangne kier ba ki shem-ba ka jing-im shijur ka long da shisha, ka Eden hangne ha sla pyrthei. Baroh shimiet ki ia purkhana bad iateh ban nym ia kylla ne ia ieh-noh shiteng lynti ia kane ka jingieit kaba markylliang.

Kumta ki minit bad ki kynta ki her, kine arngut kim ai lad ia ki khmat jong ki; ban khang noh ia ki kyrdop. Wat la ka doh ka tloed hynrei ka mynsiem jong ki ka khlain bad ka thom ia kane ka jingtloed briew. Dei tad ynda haba la sdang kynjat shai ba ki sa sdang ban pynleit ia la ki khmat ban ngam sha kawei pat ka pyrthei.

Kine baroh arngut ki la ioh thiah lyng-ngai bad dei tad ynda ka baje iing ka tied 12 baje mynsngi ba ki la sdang ban kyndit. Ka Susan haba ka la kyndit ka la shem ialade ba ka piam sawdong ia u ryndang jong u Nam bad u Nam ruh kumjuh u kdup ieit ia ka.

"Khie noh sieh ieit, balei phi thiah sngi kumne? Khie sieh wallam Bed-tea ia nga

hangne", la biria u nam la kumba ki la da ia shong. "Kein noh sieh Nam, wat nym order eh, nga sngew baiong ka khlieh, pyn-khem sieh". Ka Susan ruh ka la test ia ka jinglong jong u. U Nam ruh kloj lan u la tare ruma ia ka shyllang khmat bad ka langthohdoh jong ka, la kumba u la dep pass ia ka lain khem met. Katba u nang khem kumne, ka ruh, ka nang pynshah bha la ka khlieh ryngkat bad ki 'mat peit ieit ia u. U Nam ha kane ka por u peit suh ia ka dur ba bha-briew jong ka bad khamtam ia ki rymmiang shyntur ba saw hoin hoin jong ka. U da kwah eh dik dik ban ioh kjup ia ki. Hynrei la u tyrwa ha ka ruh, um sngew nang-ang, namar u dang lehrain. Kumta katba u nang khem ia ka, kumta, u nang pyn-tur ia la ka khmat hajan jong ka. Suki pa suki ki khmat jong ki, ki ia kynduh thik. Kumta ki shu ia peit ieit iwei ia iwei khlem nang shuh wat ban khaprip. Hapoh dohnud ka shlei ka jingieit bad tied sted la kum u lum mihding u ban sa bthei noh hangta. Te kumta khlem lap ba poi pyrkhat kumba tan u Magnet ia i lyngkhot pin, thiaw ki la ia kynrup bad sbak ki la ia doh iadait haduh ba ki la ia kan mynsiem jak shipor. Ki kti-ki shu ia thain la kumba thain u jyrmi ia u dieng bah. Baroh ki mih syep mih syar bad khatduh eh ki la ia pyllait noh bad ia peit hun iwei ia iwei, la kum ki khyllung kiba la kdang buin na la ka kmie.

“Kumno Susan baieit, phi la jem ka baicng khlich ?”. U la kylli ia ka. “Hoooid Bah Nam nga la sngew kunba ka jingbaiong khlieh ka la jah bad ka la leit noh na nga”, Ka Susan ka ieng nangta bad ka tied sha na ka bynta u Nam bad ialade. Bad hadien ba ki la iadep dih sha, ki ia bam sa u kwai mar shi kyntien shuwa ba kin ia khlad noh nangta.

“To phi, Susan ngan leit noh shuwa bad ngan sa da wan kai biang hadien,” u la ong ia ka. “Ani ! ngam kwah shuh te ban ia jngai bad phi, namar haba nga don ryngkat bad phi nga sngew kunba nga la nad lut ia ka jingsuk hangne ha snieh pyrthei, wat la nga tip kaei ka ban jia hadien habud. Nga hun mynta, bad pdiang sngewbha ia ka lawei ka ban sa wan katba u Blei u pyniaid”, ka la kren kum kaba la ithuh-paw ia kane ka jingiadei jong ki.

“Kein noh Susan baieit wat lch diaw ne sahnud, ngin sa ioh ka por kyrhai hadien. To kmen bad leh sngewbha ialade, namar nga kular ba skhem ha phi nga la ei, bad jingieit ba nylla ha phi nga la theh, ba ym don shuh ba lah ban tuh ne rong noh shawei, lait sa tang ka mon jong u ‘Lei jingieit uba tip ia ka lawei jong ngi. Bad ha kum kata ka khiep te ngam tip shuh hynrei ka por hi kan rai ia ka jinglong briew jong ka jingim.” Bad narkumta u mih noh, bad jlang-lang-lang u jah na ki khmat jong ka.

Kumta ki ia id ki sngi bad ki kynta. Bad kine, baroh arngut ki dap da ka jingkmén bad ka jinghun ka bym lah shuh ban klet. Kane ka jingleit sah u Nam sha Nongstoin ryngkat bad ka Susan ka la long da shisha ka Eden na ka bynta jong u. Bad kumta baroh arngut ki la ia jngi lang ha ka duriaw ba jngum jong ka jingieit khlem poi kynmaw pat de, ba ki la lyndet ia ki jingsneng jingkhraw jong ki kmie ki kpa ban minct ia la ki kot ki sla bad ban pass ha ka Examination ka ba la ha tmier eh. Man ka sngi ki shu ia pynlut tang ka khana bad biria kai suda. Teng teng pat de ki jah na iing jlang bad ngam sha ki sanium jong ki 'law kseh ban ia phylliew jingieit baroh baroh shi sngi. U Nam teng teng lei u jah miet na iing. Bad kane ka jingleh u Nam ka la pynlyngngoh shibun ia u Graco u para arknie jong u.

U Garco b-plai, u bym tip ia kane ka jing-iadei u Nam bad ka Susan, u nangtharai ba u Nam u leit khreh kot bad la ki paralok kiba u ithuh bad u ia juh. Te um shym la kylli ei ei shaphang jong u. Katba u Nam pat ula ngam jlang la ki jingmut jingpyrkhat tang ha ka Susan, khlem poi kynmaw shuh ia la ka jingthmu ban pass ia ka exam kumba u thmu, mynba u dang don ha Shnong.

Te kumba u Samson u shoh bie j ha ka jingbha-briew ka Delilah, kumta ruh long thik ia u Nam. Baroh ki jingangnud bad ki jingkwah

jong u ban pyndep hok ia la ka kamram kum
u samla pule ka la shu jah rngai khamakha
bad imat kine baroh ki la shu her na ka
jabiang jong u sha ki niamra jong ka jing-
phoh sniew.

Ka la long kumba shi bnai ei ei ba u Nam
u la sah ha Nongstoin (hajan bad ryngkat
ka Susan) Khl.m lap ba sngewthuh, ka por
ia u ban leit noh sha Shillong ka la dei
namar ka Exam ruh ka la jan, sa tang kumba
2 taiew ei ei ba kan sdang. Te ha kawei ka
sngi u Nam u la iathuh ia ka Susan ba u dei
ban leit noh sha Shillong. Te da ka dohnud kaba
khia bad ki ummat kiba lang u ong ia ka
Susan kumne :

“Susan baieit, ei ei ngam don ia phi ban ai,
hynrei tang jingieit nylla na dohnud jong nga
ha phi ka tuid, wat ai kein ieit ba kan leit
ne jaw noh shawei ioh phi klet ia nga, namar
lashai ka sngi nga dei ban leit pyndep ia ka
Exam kaba la jan eh”.

“Nani Baieit” la kem ktien ka Susan,
Pyrthei ka long ka ri khlaw ba tmang bad ba
kynjah tam lada na nga phi jngai. Jingim
jong nga kan sa long kum ka ri shyiap Sahara
bad tyrkhong lada khlem maphi”

“Jingieit nylla ha nga phi la ,pyndeng, bad
kumjuh ruh ia lade phi dei ban deng, baja nga
wat klet bad iehnoh tang shi teng lynti. Kynmaw

ia nga wat la na phi nga don sha jngai, Khnang ba phin lait na bun ki jingpynshoi", la kren bad pasiaaw u Nam ha ki shkor ka Susan.

"Ko ieit" la ong ka Susan, "ia nga wat ar jingmut, iaphi nga da ieit hok bad shawei ngan ym leit namar ha nga, phi long u Syiem".


"To shah ko ieit ia phi ngan doh bad ngan kdup ha la shadem", la tyrwa u Nam ha ka Susan.

Kumta ki la ia piam iwei ia iwei khlem nang pyllait shuh, haduh ba ki la ia thait hi ian.

"U Judas u die ia u Jisu da kaba doh, hynrei nga te ngam sngewlah ngeit ba phin sa die ia nga da kaba doh", la biria ka Susan.

Te baroh shimiet kine ki arngut kim nang iohthiah shuh, ki shu ia shong hangta ha iing ka Susan haduh ba kan da shai.

Dei ha ka por 5 30 A. M. ba u Nam u ong ia ka Susan ba un leit noh nangta, khnangba un ioh seat ha Bus. Namar ka bus ka shait mih ha ka por 6. 30 A. M. na Nongstoin ban kiew Shillong. Ka Susan ruh khuk-khak ka la da kloi ban wan rah da ka sha shuwa ba u Nam un mih noh. Te ynda ki la ia dep dih ia kata ka sha, ki la ia mih nangta na iing. U Nam u la



mareh sha iing u para, u Graco ban leit shim ia ka pla bad ki kot kiba la dep lum lypa arsnge shuwa kata.

‘Donbok phin jop bad leh bha mo Bah Bah’ la kren khublei u Graco ia la u hyn-men. “Hooiid hep ngan pyrshang ban leh bha, phi ruh to sa da leh bha kein” la kyntu kylliang u Nam.

Mar kumta u Nam ula mih bad bran u her sted bad haba u poi ha Station, u lap ba ka Susan ka la da ap ia u hangta. Ka la dep reserve seat na ka bynta jong u. Te shuwa ba un kiew hapoh fBus u Nam u la khot ia ka Susan kham pajih bad u la ong.

“Shongsuk-minot bad kynmaw lem ia nga ruh Susan, bad to bat ruh ia ki kular”, u la bthah ia ka Susan.

“Phi ruh. to sa leit suk, leit sain, bad nga ngeit wat la phi don ha ri nongwei, khamtam ha Sor Shillong ba bun ki rong phin nym klet ia la ka baieit na Nongkyn-dong”, ka la kren Syier ia u Nam ioh u klet ia ka.

“Ia phi ngan nym klet, wat la pyrthei kan wai noh”, u kren pynshngain ia ka.

Te ha shuwa ba ka Bus kan mih noh nangta, u Nam u la aida ka Fly-kiss ia ka



bap ka ruh kumjuh ka la pynphai kylla. Bad mar kumta hi ka Bus ka la iaid bad u Nam u peit bad rah kti ia ka Susan kaba dang ieng hangta. "Leit suk bah Nam leit suk Bah Na-am", ka la pyukut. Ka la ieng hangta haduh ba ka Bus ka la jah na ka jingiohi jong ka. Haden kata ka leit phai noh sha la iing, bad sngewdiaw bad jew mynsiem namar nynta ka la sngewthuh ba ka jingkmien bad ka jingsngewbha ka wan ban jngoh ia ka jingim brieu ym barch shirta, hynrei tang ki por ba ka dei iaid lyrti lyngba ka jingim jong u brieu ne ka brieu.

U Nam pat de, haba u poi ha Shillong, u sngew kum u ba dang khie thiah bad ba dang mih na ki niamra jong ka jingphoh sniew. U mut dur ha la irarwei ia kaei kaba la dep jia. U la mad ia kata ka jingieit kaba nylla. Bad shi synong ha kane ka bynta u la ioh ia kata ka Paradise. Hynrei haba u phai pat de ha ki kot bad ka Exam kaba la kumne ha khmat, u sngew ba dei ka dujok na ka bynta jong u. U tip skhem ba un fail bad ba baroh ki jingthmu jong u ki la long kam kai.

Ym myntoi shuh kito ki jingangnud jong kiba ha ing ha sem ia ka lawei kaba phyrnai jong u.

Ha kawei ka sngi u Nam u la ia kynduh ia u Danny u paralok ha Park. Dei hangne ba u Nam u iohi ia ka dur khmat ba phuh ba

phieng jong u Danny. Kumta u shu pyrkhath ha la marwei ba u Danny u la lah kot bha imat. Kumta u la twad jingmut na u.

“Are ! kumno kumne, phi i phuhmut phuhmat bha du?” “Oh ! ia kata lei te, haba wan shane, ha kum ine i jaka lei, phi tip hi kein, lada shu leh diaw, leh sngewsih, te kine ki thakbalieh bun rong kim num ia peit satia”, la kren heh u Danny.

“Phi pat, shano ko, ka trailler; phim shym pynsdien seh ?” la kren dait u Danny.ia u Nam, uba shu i thangiong ngain ngain ka durkhmat,

“Oh! ngam tip kein ba phi itynnad ia ka trailer jong nga, lym kumta ngan jin da la ialam kein, khamtam ia phi lei lei uba la pynthep tender, nga hap hi ban sngcwnguh bad pynhun ia ka jingkwah jong phi”, la siat pharshi u Nam ia u Danny tlam ha u klongsnam.

“Kein noh me Nam ynnai ia bun ktien eh, ka bha ba men shu hun noh ia kaei kaba me la ioh, ynnai da pynbun jingpyrkhat eh ialade wat la i baieit jong me i don sha jngai. Nga te nga khublei kitbok ba ngin iathoh bha ha kane ka Exam. Ym dei Nam kumta ?” La shu pynkut noh u Danny ia kata ka jingiakren biria.

Kumta kine ki arngut shi paralok ki la ia pra noh nangta bad ia iaiaid la ka lynti lynti.

Te kita ki artaiew ba u Nam u sah ha Shillong ki shu long ha u tang kum ka maia jong ka por kaba pynsah kynmaw ha ka jingim jong u hadien habud. Wat le u tip ba ka jingthmu jong u ban pass ia kane ka Exam ka la long lehnohei, pynban u pynhun ialade da kaba u shu kynmaw ia ka Susan bad u kynjri jong ka jingieit ba u la lah ioh deng. U tip ba da kaba fail ha kane ka Exam u pynsngewsih ia la ki kmie ki kpa bad kurjuh ruh kan sa pynlyngngoh ia ki kur ki kha, ki marjan-marpa ki bym tip ei ei ruh em ia kane ka jingjia ha ka jingim jong u.

Sa tang kumba laisngi ei ei ban poi ka Exam u Nam u la ioh pdiang ia ka shithi na ka Susan. Haba u ioh pdiang ia kane ka shithi, u Nam u kmen bad hun ka mynsiem, khamtam lei lei ha kane ka por ba u sngew lynga eh. U bapli um shem la tip bad bna ei ei ba kane ka shithi kaba la sop bha da ka Envelop thoh syntiew kan kit hapoh jong ka ia u symbai jong ka jingsngewsih bad jing-kthang tam ha ka jingim jong u. Kumta ha la kamra thiah marwei u shong khop ban plied ia ita i shithi, u da peit ruh sawdong sawdong jong u, ioh don kiba iohi bad ki ban sa lorni ia ka ta ka kam. U khang noh sbak ia ka kamra bad khop u shong ban pule ia kita ki ktien, namar u thngan bad sliang da shishu ia ka jingieit nylla na la i baieit i Susan.

Nongstoin

Dearest Namdathew, The 1990.

Ha ki khyndiat por ba phi don
ryngkat, bad nga, nga dap da ka jingsngew-
kmen bad ka jinghun ka dohnud. Hynrei kine
baroh ki shu long tang ka jingsah kyn naw
ba kthang tam ha ka jingim jongim jong
ngi. Kito ki por ba knen bad ba sngewbha;
li shu long tang kum ki umjer jong ka por
step, kiba shu rngat noh haba la shit ka sngi.

Nam baieit, ngam kwah ban bun ktien,
hynrei tang ka ne kawei ba ngan tyrwa bad
pynpaw ha khmat ka burom jong phi, hynrei
ngam banse hi. Tang shu mih raphi nangne,
wan poi i Pa na shnong i la bna hana ba
nga ia don ktien bad phi. I la leh atnud
bad leh dom. Bad haba nga kylli. "Baiei
Pa phi leh sngewsih?" i ong pynban ba
lynda nga ia pyllait noh bad phi, yn ym
don jingsuk ha ka mynsiem.

Te Baieit, nga don hangne ban ong ba
to ngin ia khlad noh bad lada u Blei u btin
lynti ngin sa ia shem biang hadien. To leh
bha ia ka Exam jongphi ba phin dup pass
bad duwai lem ruh na ka bynta jong nga.

Tang katta ngan pynkut noh ngeit, phi
pdiang ia ka jingtyrwa jong nga. Nga ieit
hok ia phi, hynrei ngam lah ban ia id lait
ia ka mon i Pa.

Na kaba burom iaphi,
Ka Susan.

Ngain la dum kynsan ka bnəng ka khyndew, bad shiphang u jngan ka dohnud la kumba la dung u Nan.sop. Brup shi brup ki jaw ki ummat la kumba jaw ki symboh um na ki synrang maw ha ri khlaw ba sangam. "Ani! wow balei sha, ia nga kumne?". Balei ieit? ka daw aiu? bad kaei mo ka lair, ka let ba phi sa ong kumta ia nga. Iathuh sieh ieit, phim ieit shuh sieh ieit ia nga. Ka pyrthei ka long ka ri khlaw ba kynjah bad ka jingim jong nga kan sa long ka ri shyiap kaba tyrkhong". Kumne u kren bad u shu thnum irarwei ha la marwei hangta hapoh kamra thiah; haduh ba ki khmat jong u ki la sah tyrkhong khait; namar ki ummat ki la shu tuid la kumba thei ia ka um na ka dong shimat. Bad hadien katto katne por u la ioh thiah noh jar kumba u la iap.

Ynda mynstep, haba u la dep khie shong naba thiah u la puson ia kawei kaba u pule mynmiet; namar haduh mynta um pat sngew lah ngeit ia kawei kaba la dep jia. U shim biang ia ka shithi; u pule suki jai; la kumba u kwah ba kita ki ktien pan ia khlad ka Susan kan jah noh shi syndon na ka jingiohi ka khmat jong u. Hynrei kam lah satia ban long kumta. Haba u la ngiah ka pule ryngkat bad ka jingdom; u tar noh lyngkhot-lyngkhai; ia kata ka shithi bad u la thang noh ha ding.

Kane ka jingjia ka la ktah shisha ia u, khamtam lei lei haba ka Exam ka la poi

dngong ha kh'nut. Kumne u ud u pisa bad lynga ka dohnud, ban pyrkhata ia ka, ka nusib jot. Kawei ruh kaba pynsngewsih eh ka dei ba um shym la khreh kot bha bad kane ka Exam kaba un sa ia leh ka la long sa kawei pat ka jingtynjuh ba khraw tam ia ka jingim jong u. U la tip shai ba un sa fail, bad ba ka jingangnud jong ki kmie ki kpa, ki la long lehnohei. Ka khlieh jong u ka baiong; namar u iai pyrkhata; la un shong Exam ne um shong ban ialeh ia ka Exam. Ka jabieng ka la shu thnam da ki jingpyrkhata, ba bun jait; bad khatduh eh u rai ban shong, la ka shong ha ka Exam ba nym paw beij than ha ki kmie ki pa ia kaei kaba u la leh, kine ki bnai ba la dep. Bad lada u pep ia ka Exam ruh ki kmie ki kpa jong u; khlem pep kin sngewsih ia u sha ba palat.

Te da ka jingmut kaba sngewkhia lut ia kiei kiei baroh; u la rai bad la ong halade. "Ngan iai pynsngewsih lei". Kane ka mut ba ieh un mat ia kynduh; ia ki jingeh; ieh un dih ia la ka umksang bad syep ruh da ka snam; ym dei pat ban pynsngewsih ia kiwei; ne thom pyrshah ia ka jingsngew jong ki. Kumta u kun hi sia, hapoh dohnud; ia baroh ki jingsnewsih bad ieng rangbah ban pyndep ia ka thong; kum u nongialeh uba da sngew lehrain ban phai dien ar sien, haba la tur sha-khmat. Ha kum kane ka khyllipmat, u len noh ia ki jingsngewsih kiba u don pyrshah ia ka Susan, bad u shu rai kut ha lade ba un sa

thoh sha ka; ynda la kut ka Exam bad lada ioh lad lei lei, wat ban leit ia kynduh markhmat ruh ia ka.

Ha kine ki ar sngi kiba dang sah, u Namdathew bapli; u shu bun kam tang ha kaba plied ia ki lynnongkot nawei shawei; thik kumba leh ki khynnah haba plied dur kai ha ka Magasin. Te kumta kine ki ar sngi ki shu kut la ka kut; khlem lap ba ioh sngew. Ha ka sngi kaba bud ka la long ka sngi sdang jong ka Exam.

Dangstep phyrngap, u khie thiah ban ioh pule shi lynnong ar lynnong ha shuwa ba un leit sha College. Ka dohnud jong u, ka khieh ka pisa bad teng-teng u suhjer na kjat ha khlieh, ban pyrkhath kumno u thoh bad kaei ka ban thoh haba ka khlieh jong u ka shu long suda; kum u khiew khlem um.

Hynrei u pyniaw hi triang ia la ka dohnud; bad u da pyneh bha ia ka met ka phad khnang ba ka jingsuhjer kan leit noh na u. U mih na iing suki jai khlem riej bad khlem peit shane shatai haduh ba un da poi ha College. Ynda la rung ha Examination Hall, la ia ioh ia ki jingkylli; u peit na khlieh ha tduh jong ka jingkylli; u shem ba baroh ki long kiba eh suda; hynrei ban shu submit blank paper ruh u sngew lehrain; kumta u thoh kat kaba wan ha ka khlieh jong u, ban pyndap lut ia kata ka paper kaba la ai ha u.

Kane ka jia ha baroh ki subjects haduh ba kut syndon ka Exam. Ha ka sngi ba khatduh ka la don tang kawei, ka paper. Kumta tang shu kut u her bran sha iing. ban lum ia ki tiar ki tar ban pynkhreh ia ka jingleit shnong.

Hamar kata ka por la wan poi dangong u Danny, "Arc Nam, balei kumne, phi mut ban leit shnong noh seh?" la kylli u Danny katba u Nam u dang tare shane shatai ban lum ia ki tiar.

"Hooiid", la jubab u Nam. "Ngan leit noh la shai dangstep me lah bha em ka Exam?" la sdang kylli u Danny.

"Em nga'n lah ei ei bad nga la fail me Danny; ha baroh ki subject. Na kata ka daw kein, ba ngam kwah shuh ban sah sngewbha shane sha sor. Ka dohnud jong nga ka la pdang bad katno ka pang, hynrei yin don u ba tip. Pleng da kumne du! ka wan jia ia U Lapalang phrangsngi, haba u la iaaid lait ia ka jylli jong ka jingsneng i Mei i Pa," u la iathuh hok ha la u paralok uba u leit eh.

U Danny u kyndit thret la kumba iuh tdong bsein; "Balei Nam kumta? Ngam pat lah sngewthuh; kaei ka apot kaba wan jia ha phi, iathuh seh ia nga, tangba ngan tip; wat la ngam lah ban theh umpjah ia ka dohnud ba meh ding jong phi ha kum kane ka khyllipmat.

“Kam myntoi Danny ban iathuh, ieh phin sa tip hi; ynda phi ruh phi la wan poi shnong”. U Nam u la kyntait ia ka jingkyrpad u Danny.

“To kata kam pher, ieh ngin sa ia kynduh ha shnong, ynda nga la wan phai” la kren pynkut noh u Danny uba la ithuh shi syndon ia ka jingbym mon u Nam ban ia kren kai ne wat ia ka jingdon jong u hangta.

“To kata nga la leit Nam, thiah suk, bad nang leit suk la shai, bad nga shu kyrmen ba kumba ki tohjaw ha u briew ki bthei bad prie noh ia ka ksuit; haba ka la ih bha, kumta ruh ha kaba kut phin sa iathuh hi ha nga ia kine kiei kiei kiba phi dang buh rieh.”

“Wat sngewsih Danny, phi la tip hi, haba dom briew ka dohnud ka kylla mangkariang; kumba bam khniang, bad nga shu kular, ban ia-thuh hi ha phi, ynda la dei ka por; to kata leit suk ho!” La khublei kylliang u Namdathew ia la u paralok u Danny.

Baroh arngut ki la ia kular ban ia kynduh pat sa ha shnong ban pynthymmai biang ia la ka jingiadei paralok.



LYNNONG—III

Ha kata ka miet u Namdathew um nang shuh ban ioh thiah ; u pisa ka mynsiem bad la pyndap ia ka khlieh jong u da ka jingpyrkhat ba bun jait. Kumne baroh shimiet, u shu iohi ramia ha khmat jong u; ia ka Susan, ba ka kren ia u, bad nangta ka shu jah klep biang na ki jingiohi jong u. U kynmaw ia kito ki sngi, mynba u Danny, u wan kai ban pynngop ia u ; ha kane ka kam ia iet samla. U kynmaw ruh ia ki por ba kmen mynba u dang don bad ka Susan ha Nongstoin. Hynrei kaba ktah eh ia ka jingsngew jong u, ka long kane kawei. U kynmaw mynba u dang don ha shnong, ki kmie ki kpa ki dap da ka jingphuh mut phuh mat; ia ka lawei ba phyrnai jong u khun jong ki. Hynrei ha kane ka kynti, pat de, u la kit sha iing da ka jingshaiong bad ka jingduh jingkyrmen. U sngew ba u la leh ka pop kaba khr̄aw tam ha ka jingim jong u. Hynrei ha kaba kut eh u la rai ba ynda u la poi ha shnong u dei ban leit ia kynduh ia ka Susan mar khmat ; ha shuwa ba un ai ka jubab kaba shai halor ka shithi pan ia khlad jong ka. Kumta ka per ka la tyllunsted haduh ban da kynih syndon u Iar nyngkong. Mar kumta u khie noh na jingthiah bad u tiew sha, ban dih da ka sha ha shuwa ba un mih na iing. Ynda u la dep dih sha u peit ia ka baje, bad ka la long 4.00 a.m. Te kumne u ap haduh ban da poi ha ka 5 a.m. ba u sa shim ia ka synduk bad ka pla bad bran u kem da ka Taxi ban poi sha Station.

Namar ba u la poi kloï eh, u hap ban ap sa katto katne por ban ioh tiket. Hynrei u ieng hi thik ha u lain uba nyngkong eh khlem khieh shane shatai, haduh ba u nongai tiket u plie ia ka thliew ai tiket. Shi syndon u Nam u ioh ka tiket No. 1. Ka dei ka seat marwei. Nangta u shim ia ka synduk bad ki tiar ban thep noh ha ka kali bad u shong khop ha la ka seat khlem khieh khlem ksar

Ka dei ka sngi kaba kynjah tam, u nong-leit nongwan ruh u duna bha, khamtam lei lei ki para shnong u Nam kim don wat tang iwei ruh. Imat ka por bad ka sngi, ka la pynjia khnang ban pynsah jingkyrmaw ia u Namdathew ha ki sngi ki ban wan. Bad mar ia khieh ka Bus na station; u Nam ruh u ioh thiah lyngngai, la kumba iap. Teng teng u kyndit, haba jerking ka Bus, ha ki jaka khohruh jong ka surok; hynrei u thiah hi haduh ba ka bus ka la poi ngong ha shnong. Baroh ki brierw ki lah da ia hiar ha shiteng lynti bad ka Bus ka shu leit sha shnong u Nam, tang ban ioh passenger ki ban kiew sha Shillong. Te ynda u Driver u la pynphai ia ka bus, ban kiew biang sha Shillong, u Manager u la leit ha ka jaka ba shong u Nam, u kyrsiew ia u uba ha kata kapor; lehse u dang jngi sha ki thwei jong ka jingphoh sniew. "Bah Ba-h khie noh sieh, hiar noh, phi lah poi shnong te", u ong. "Wa! ngam lap ba sngewthuh, ka lah da poi mo", u ong, nangta u sei ia ki tiar ki tar shabar

ka Bus bad u ong “Khublei Ma, sa nang leit suk sha Shillong”. “To kata phi ruh sa nang shong suk”. “Oh lano mo phin kiew Shillong?” La kylli u manager.

“Tip kein lano shuh ngan dang ioh lad ban kiew Shillong”, u la jubab. “To kam pher ngin sa ia kynduh hi kein hadien”, u la pynkut

Tang shu kut ka jingiakren bad u Manager, la wan khublei ia u da ka kmie kha jong u; ka kong Bahunlang. “Are phi lah da wan poi khun”? “Kumno ka Exam. phi lah bha em?”, Ka la kylli. “Shu bit hi Mei kha”, u la jubab wat la ka dohnud jong u ka pang ban poi kynmaw ia ka Exam.

Katba u dang ieng kai hangta, la wan ki para Samla ban wan ai khublei ia u. Don napdeng jong ki, kiba don hangta kiba shu wan lorni briew bad don ruh kiba thmu leit Shillong. Khatduh eh la wan ka kmie jong u, ka Kong Hun (Daiahunlang). Ka rkhi bad ka wiat rymmuin ba ka sngewheh mynsiem, haba iohi biang ia u khun, uba la jah na pneh jong ka shipor. “Phi wan marwei khun?” Ka la kylli. “Hooiid kein mei.” “Ngatang shu dep Exam mynhynnin ka sngi”, u la iathuh ha la ka kmie; hynrei katba u dang iathuh ia kata ha ka kmie, ka dur khmat jong u ka dum synnia, bad ki khmat jong u, kim da shai bha. Hynrei wat la katta ruh

u nguid noh shapoh ia kazi kaba u sngew bad katba u thmu ban iathuh hok ha la ka kmie “Kumno Bah Heh phi lah bha em ia ka Exam?” Hooïd Mei nga lah hi, tangba ka shong sa tang ha ka bok ka nusib”; u kren pyneh rngiew ialade. Kumta ki la kren lynti lynti shi khun shi kmie, haduh ban da poi syndon ha iing ngong.

“Ei, kpa la wan poi u khun na Shillong”, i pyrta da ka sur kaba dap da ka jingkyrmen bad ka jing kmen. Mar kumta u kpa uba dang shong syaid ding ha dpei ula ieng joit bad mih shabar ban ia kynduh ia u khun Phrangsngi uba la jah la slem na iing. “Phi wan bad no na Shillong?” “Nga wan tang marwei, pa”, u la jubab. “Kumno pa phi shait phi khlain bha em, ha kinc ki sngi kiba la leit?” U Nam u la kylli ia la u kpa. “Hooïd khun”, u la jubab bad u ong de. “Ale rung noh sha iing ba ngin ia dih sha sngewbha na ka bynta jong phi.” Bad mar kumta baroh ki la ia rung noh ha iing.

Katba ki dang shong ban ia dih sha, u Namdathew u sngew kiuh ka dohnud, namar u tharai ba lehse ki kmie ki kpa jong u ruh ki la tip ia ka jingiadei jong u bad ka Susan, bad ia ka jingjia kaba la pynlong ia u ban klet ia ka kamram kum u samla shong skul. Hynrei ki kmie ki kpa jong u Namdathew kim long ki briew kiba juh ban rung na kawei ka iing ha kawei pat, ban ia lorni. Te

kumta kim shyen la tip ei ei ruh em ia kata ka jingiaid palat hukum u khun jong ki. Kumne ki la ia shong kai myllen, bad ia pur khana ruh, halor ki kam iing-kam sem bad kumjuh ruh, shaphang kane katai haduh ban da poi syndon ka miet.

Ha ka por bam jamiet u kpa u la ong ia ka kmie ban leit kem u Syiar ban ioh shet jyntah ia u khun shisien shisien, jait ba u dang wan poi na Sor bad artad ba u dang pyndep ia ka Exam B. A. jong u. Ynda ki la dep ia bam ja-miet, ki la ia shongkai biang shiphang-ar phang ha shuwa ban ia leit thiah. Ha kane ka por u kpa u la ong ia u Namdathew. "Khun nga ngeit men pass bad men wanrah biang ia u soh bathiang jong ka jingtrei shitom jong me, kumjuh ruh ka um syep jong nga bad ka kmie kan nym sepei, Te lada me pass bha lei lei, nga ngeit ngin sa thaw lad ban phah pule ia me haduh ba men tam kyrdan lut ia baroh ki para samla nangne na shnong, bad kumjuh ruh jong kane ka thain jong ngi". "Tip kein Pa ia kata, ngim lah ban tip, ha kum kane ka jait Exam kam da shong eh ha ka jinglah, ka shong ruh ha ka nusib. Ha ka jingshisha nga la leh bha hi kein kum ba long mynno mynno ruh, Uba pli u pyrshang ban da rapjot ia la ka jingbakla bad ka jing-bym-pyndep ia la ka kamram.

Nangta ka por ka la miet bad ka la-dei ka por thiah. U Kpa bad ka kmie ki la ia

leit thiah noh kumjuh ruh ki para. U Nam ruh u la kiew noh halor jingthiah, la ka rret jong u ka la thait na ka jingiaid lynti kaba jngai hynrei kam ai lad ia u ban khaprip ia la ki khmat.

Sa shisien pat ka jingmut jingpyrkhat jong u ka her sha kito ki por kiba u dang i inct ha ki jingpule bad ba ka bih jong ka jingieit kam pat lah ban bih phongrai ia ka jingim ba shisda jong u. U kynmaw ruh ia ka jingkmen bad ka jingsngewbha jong ka jingiaieit jong u bad ka Susan, mynba ki dang ia don lang ha Nongstoin. U mutdur ha la marwei ia kine kiei kiei kiba wan ban lynshop ia ka jingim jong u tang ha ka jingphoh sniew. Dei ha kane ka khyllipmat ba u sa shem bad sngewthuh ba ia ka jingim jong u briew la ker sawdong da ka jingkmen, bad ka jingsngewsih. Bad kine ar, ki wan ban jngoh ia u briew kat kum ki por jong ki. Te mynta u la rai kut ba jia katba jia, hynrei um dei pat de ban shu sngap jar tang ha lade ia kane ka jingsngew ha la ka dohnud khlem da ia kynduh markhmat bad ka Susan ban ia kren khatduh ha shuwa ba un pdiang ia ka shithi pan ia khlad jongka, kaba la thoh naduh kato ka por ha shuwa ba un sdang ia ka Exam.

Ha shuwa ba un ai lad ia ka met kaba la thait bad la ki khmat kine la ringswai ban ioh jahthait. u la mutdur bad wad ki lad ki lynti, da kumpo un lei tia kynduh ka Susan, bad ha kano ka dur un leh khnang ba kiba ha

iing jong ka kin nym tip bad kunjuh ruh
 ki kmie ki kpa jong u kin nym lah ban suba
 sniew ei ei shaphang kane. Khatduh eh, u
 la shem ia ka buit bad nangta u sa iohthiah
 noh jak da ka jingsngewhun.

Kumta ha kata ka step kaba bud u Nam
 u la khie thiah dang step phyrngap, bad
 ynda u la dep tiew sha u sa mih shabar
 ban ieng kai. Ka dei ka step kaba phyrnai,
 bad ki sim ki ia rwai sngewtynnad halor ki
 dieng jong kita ki law bniap harud Nong.

Hadien shi phang la khie sa ka kmie
 bad ka kyrsiew thiah ia baroh. Ynda ki la
 dep sait khmat, ka kmie ka khot ia u Nam
 ban ia dih sha noh. Dei ha kane ka por
 ba u Nam u sa sdang ban pyndonkam ia la
 ka buit, kaba u la dep plan lypa mynmiet,
 "Mei" u ong, "shah ia nga ban leit sah kai
 noh sha iing i Maduh la shibit janmiet bad
 ngan sa wan phai pat la shi sngi mynstèp",
 "Balei khun shu kyrkieh kumta haba phi
 dang shu wan poi iing ruh?" "Tip ia kata
 te, ka shong ha ka mon jongphi kien khun",
 la pyn bud ktien sa u Kpa. Te ka kmie
 kam banse shuh ban shah bad ban mynjur
 ia u Nam-dathew, khamtam lei lei ba u kpa
 ruh u mynjur.

Te baroh shi sngi u Namdathew u leh
 bun kam bad u smat u sting. Bad tang shu
 poi ka por janmiet u la khreh la khruu

ban her noh kloi kloi sha ka shnong ba sah u Kni. Ka shnong u Maduh, jong u Nam ka jugai kumba 30 minit ei ei ban iaid da ka kjat. Ka Susan ruh ka shong ha kane ka juh ka shnong. Te kumta ha la dohnud u kmen namar ba u dang lah ban ia kyn-duh ia ka Susan. Ka jingthnu jong u ka la urlong, bad kumta u la rai ban tur sha phrang wat la ka long kaba sei soh lane ka bym seiso ruh. "To Mei bad Pa nga la leit ioh lap ba miet". U peit artad ia ka baje bad ka la don 5.30 p. m, sa tang kumba shiteng kynta ba ka sngi kan ngam noh sha kawei pat ka pyrthei kaba sha lyndet. "To khun", la ong u kpa. "Leit suk bad poi suk ha iing i Maduh, me, bad wat nym jah lynti shane shatai", la biria kai u kpa, thik kumba u la da tip lypa ia ka jingnut barieh u khun. Mar kumta u Nam u la mih bran bad iaid la ka lanti khlem kyrtiang dien shuh sha iing. Katba ka kmie bad u kpa ki dang ia peit ieit ia ka rynieng ryniot jong u bad katno ki phuhmat haba mynta u khun jong ki u la long u Khatarbor ba pura, ki peit kumne haduh ba un da jah syndon na ka jingiohi jong ki.

Ha lynti u Namdathew u pyrkhat kumno mo, un leit rung sha iing ka susan. Bad ynda u la thir bha ia ki lad ki lynti, u ioh kawei ka buit. Da kane ka buit u Nam u ngeit ban iashem markhmat bad ka Susan jar jar, bad ba ki kmie ki kpa lane ki para ruh kim

lah ban tip. Kumta u ia'id suki-suki bad ai lad ia ka jingdum jong ka miet ba kan nang ia'id la ka lynti. Teng teng u shong kai noh kham pajih na lynti ioh don ba wan lap. Namar ka jingleit jong u ban ioh ia kynduh ia ka Susan ka long kaba rieh eh, ha kaba um kwah iano iano ban tip lane suba sniew. Hynrei katba u dang ia'id kumne ia la ka lynti, la wan lap pynban ia u da u Bakha jong u, u Franco. "Are shano Bakha kumne?" "Nga mut leit sahka'i sha iing i Maduh phi Bakha", u la jubab.

"Te phi wan poi mynno na Shillong?" La kylli biang u Franco. "Nga darg shu wan poi mynhyinnin," phi la leh bha ia ka Exan? la ban biang u Franco. "Hood" la jubab u Namdathew. "Nga la leh bha hi kumba ju long". Te ki ia ia'id kumne baroh ar ngut haduh ban da poi top harud shnong, Ha shuwa ban rung ha shnong don artylli ki lynti. Kawei ban poi beit sha iing u Kni jong u Nam bad kawei pat ban kiew sha neng, sha ba don ka iing ka Susan. Ka iing u Franco te ka don sha kane ka kyntoit ba don ka iing ka Susan. "Kumno Bakha phin leit kai shuwa bad nga?" u la tyrwa u Franco ia u Nam. "Em phi bakha ngan leit shuwa sha iing i Maduh, bad ngan sa wan kai pat de la shai mynstep". "To kata sa ia kynduh, bad kynnaw sa wan khlem pep ho", la pynkut u Franco. Une u Franco u dei u bakha jong u Nam na ka liang u kpa.

Tang shu ia khlad bad u Franco u Namdathew u iaid shi j a m a r j a m s h a kata ka lynti kaba lam beit sha iing u kni jong u. Hynrei namarba um shym la thmu ban leit sha iing u kni u kyniah noh sh rud lynti bad hangta u shong ban pynjah thait ialade. U ap ruh ia ka por ba kan nang rung shuh shuh sha ka khyrdop jong ka miet ba dum.

U la shong hangta haduh ba ka la miet bha. U la dep tan kumba 4-5 tylli ki sikret naduh ka por ba u la iakhlad bad u Franco. U peit ia ka baje kti bad ka la don mynta 8 baje ei ei. Te kumta u ieng joit ban iaid noh sha kata ka lynti ka ban ialam beit ia u sha iing ka Susan. Tang shi phang hi, u lah da poi, hynrei ban rung ha iing, u tieng bad sngewlehrain.

Te khnang ban lait na ka jingiohi ne jingwanlap ki briew u leit rieh sha synrangmaw kaba don hajan hangta. Bad nangne u lah ban ioh sngew shynna ia ka jingiarkhie bad ia rwai ia siaw hangta hapoh iing ka Susan. U sngap bha kyndiang khlem khieh khlem ksar. Teng teng haba la thait ka shong u ieng hangta la kum u bieit. U la ieng u la shong da ki phew sien. Bad teng teng haba la ngam eh ka khriat u la sdang sa ka kem jyrhoh haduh ba u sngew bym don pyrthei shuh. Ynda um lah shuh u la kum pyllait shabar.

U ksew uba don hajan hangta u la wan mareh bad wiar ia u. U wiar shi wiar wow shi wow kumba u khot ia ki trai ban wan ia peit hangta. Hynrei jait ba dang don u khaw, u lait na ka jah burom bad kaba-shah tharai menshohnoh. Namarba ki ia bun briew eh ha iing artad bad ka ia kmen ia risa kim shym la pynleit jingmut ei ei ruh em ia kata ka jingwiar u ksew. U Namdathew ba la tieng ym don pyrthet shuh u la kyan mynsiem hi jak bad u pynrit bha ialade. U ksew ynda u la thait ka wiar artad ruh ha ba u ichi ia u Nam ba um shym la khih la ksar satia u la ngiah ka wiar. Kumta u la tur kham hajan bad ynda u la peit bniah ia u Nam uba la shu kli ia lade mlon kum u maw u pyllon khlem ring mynsiem, u shu sna bad u jliah ia u na khmut na khmat. Imat ba u mrad ruh u sngewthuh ia ka jingdonkan u briew. Bad da kane ka jingleit jliah u la niew ia u Nam kum u paralok, namar um shym la phet shuh nangta; hynrei u thiah pynban hangta ban pynsyaid ia u Nam.

Kumne ka por ruh ka la nang iaid. Ki briew kiba wan kai ha iing ka Susan ki la ia leit noh ha la ki iing ki iing. Ka la don mynta 11 baje bad imat ka la dei ka por ba kin ia leit thiah leit dem noh. U Nam u dang peit kyndiang ia kine kiei kiei baroh. U tip ba ha iing ka Susan ruh ki la sdang bah ia thiah noh. U ep hangta ha ka jaka rieh kumba 30 minit ei ei khnang ban ai lad ia

ki ba ha iing jongka Susan ba kin ioh thiah noh. Dei ha ka por 11.30 thik ba u Nam u par suki suki jai ban poi ha phyllaw iing. Te khnang ban pynshisha la ki la iohthiah ne em baroh, u la iaidd tawiar sawdong sawdong ia ka iing ban sngap thuh ia ki la ioh thiah. U sngewthuh ba baroh ki la ioh thiah lait noh u bah Kyrshan uba dang jyrhoh.

Te mynta u Nam u wad lad kumno ba un ioh rung sha poh iing, bad da kano ka lad. Ha kaba khatduh u tam ia uwei u dieng bad da une u dieng u lah ban tyrsuh shapoh ban pyllait ia u Hook khangiang da kaba suk, u ieng hangta ha jingkhang iing sa kumba 30 minit ei ei. Bad mynta ynda u la sngewthuh ba baroh ki la iohthiah u la tyrsuh suki pa suki haduh ba uta u hook u la lait bad hap shapoh. Mar kumta u plie ia ka jingkhang iing suki jai bad u rung de krak shapoh. Ka dohnud jong u ka kyn-deh bad tied jur la kumba tem Nakra shapoh. U ieng hangta hajan jingkhang la kum n Commando Phareng. U sngap bha shi phang ioh don ba ioh sngew. Hynrei ynda u la sngewthuh ba baroh ki dang ia leit bha ka khmat; u sdang ban pyndep noh ia ka jingthmu kaba la slem. U khang biang ia kata ka jingkhang. Bad da ka jingkhynniuh thed thed la kum uba ioh khieshohrih u iaidd sha ka kamra ba thiah ka Susan. U tip thik hangno ba ka Susan ka thiah, namar naduh kata ka por shwa ban leit Nongstoin

u la wan kai teng ha iing jong ka. Yada u la poi ha kata ka kamra u sei ia ka jingpruid bad u tbeh sharak. Ka Susan bapli Maba deng jogi ha thwei jong ka ri ka jingphohsniew kam tip, uei uba don ha syndah jong ka ha kane ka por.

U Namdathew ha kane ka por u dang peit ia ka na khlieh ha kjat, u ibang itynnad da shisha ia ka long rynieng jong ka. Te ha shwa ba un pynkyndit ia ka u la survey sawdong sawdong bad khatduh eh u kum iohi liak ia kwei ka Envelop thoh syntiew halor meij. U shim niat, bad ynda u la peit bniah u la lap ba don ka kyrteng jong ka Susan naler, u sei ia kaba don shapoh, u pule suki jei bad bniah haduh bakut. Bad ha kaba kut eh jong kata ka shithi ka la don ka kyrteng jong u Shalam. Une u dei u khynnah Nongstoin uba dang shu dep ialeh Matric bad uba dang ap result ryngkat bad ka Susan.

Tang mar shu dep pule ia kane ka shithi u Namdathew mynta, u la sngewthuh balei, bad kaei ka daw ba ka Susan ka kwah ban ieh jyndat-noh ia u U jaw ummat bad ka dohnud jong u ka pdang bad ka pang. "Pleng ki kynthei mynta te mo, I ki bym lah shuh ban shaniah", u kren marwei marwei. Te ban shu pynlaw ia ka dohnud balung bad ba la mong u kynmaw iaka Logie Conclusion kaba u la ioh ban pule ka College

“Delilah ka dei ka kynthei, ka Delilah ka shet ia u Samson”. “Ka susan ka dei ka kynthei. Namarkata ka Susan ka shet shukor ia nga”. Kane ka logical conclusion ka ai jingtngan shibun ia u hapdeng uta u lyput baiong jong ka jingsngewsih uba la wan ban tap ia ka bor pyrkhat jong u shipor. “Baroh ki kynthei kim long kiba lah ban shaniah” u pynkut. Bad nangta u nia-d noh ia ki ummat haduh ba ki niuhmat jong u ki la rkhiang bha.

Mynta da ka mynsiem kaba shynrang bad ka mon kaba jwat u sdang ban pynkhih ia ka kti jong ka Susan ba kan kyndit. Haba u la pynkhih ia ka met jong ka, ka la sdang ban khih bad kren ruma. Hynrei ynda u la pasiaw shi pasiaw ha ki tyndong shkor jong ka, ka la sdang ban peit. Bad haba ka peit, ka peit sah khlem pynkhih shuh ia la ka khmat. Ka nangtharai ba ka shu phohsniew. Kam da sngew lah ngeit ba ka iohi shisha ia u Namdathew. Ka la sdang ban tieng, bad kylla dur. Hynrei u Nam uba iohi lypa ia kine kiei kiei baroh u la sdang ban kren. “Susan baiet dei manga u Namdathew jong phi, wat artatien shuh. Phim shym la phohsniew ne ruma, hynrei phi iohi bad peit sah mynta ia u Bah Nam jongphi, uba shisien, phi la iet bad niewkor. Ngam dei ha ka jingshisha ban wan kum ha kane ka por lane ban pynthud ia phi ha kum kane ka miet. Hynrei ngam lah ban kiar ko Susan baiet. Map ia nga

mynta shi wat na ka bynta ka burom U Blei namar lada khlem ia kynduh markhat bad phi ka mynsiem jong nga kam hun. Nga ngeit ba tang da kaba nga la shlan ban leh kumne ba nga dang lah ban iohi ia phi; lym kumta te..”

Ka Susan kam pat kren wat shi kyntien ruh ha kane ka por. Imat la' dung ia ka dohnud jong ka da ka jingsngewlehrain, U Nam nangta u syrpu'd ia ki ngap jong ka baroh arliang. Bad khatduh eh, ha shuwa ba un kren noh ha ka ia kaba donkam ban kren ha kane ka miet; u la ong ia ka, shah seh Susan ngan doh ia phi namar nga ieit da shisha te ia phi. Ka Susan ruh ka la pdiang ia kane ka jingtyrwa jong u. Mynta ka la sdang ban khie shong ha jingthiah. Ka pyniap noh ia kata ka sharak ba meh bad ka tan ia u Nam ba un shong ha syndah jong ka. Ka piam ia u thrait bad u Namdathew ruh u piam ia ka kumjuh. Hangta ki la ia doh ia dait haduh ba ki la shu ia thain kti iwei ia i wei la kum u jyrmi uba thain ia u dieng bah. Kim nang ia kren shuh, ki shu ia bsut sa tang ki thylliej markylliang ha shyntur, haduh ba la jhieh sa ki ngap jong ki. Ym don thylliej shuh uba dang lah ban batal ia kane ka jingleh jong ki.

Baroh arngut ki la ia mih syep puk kum ba shit ka sngi ha ri dklar ha ka por lyur. Ki thied ki jaw ki shu jem hi jai, bad ka met ka phad ka la shu dot hir. Nangta ka

Susan ka la ong ia u Nam, ban kiew thiah lang noh ha jingthiah khnang ba un syaid. Nam u la kohnguh bad baroh arngut ki la ia thiah lang ha kajuh ka jingthiah. Ka Susan wat la kam kwah shuh bah ieid ia u Nam pynban, kam lah shuh khlem da leh ieid ia u, bad kam kwah ban pynmong ne pynsngewsih shuh ia u nalar ba ka la pynsngewsih lypa.

Dei ha kum kane ka por ba ia ka dohnud bad ka jinglong u briew lah ban bishar da kaba suk. Ha kane ka khyllipmat u syiem jong ka jingdum, u la pun ka jingkieng ksiar nylla na ka bynta u Namdathew ban laid kai sngewtynnad halor jong ka. Ha u kynja riew poh, bad u bym don ka mon bajwat; kane ka lad ka long da shisha ka kabu ksiar ban pynhiar kput halor jong ka, lane ban liat ha kane ka 'Liew long ba khlem trai ba dur. Hynrei ha u Namdathew hi kine ki jingpynshoi jong ka doh ki shu wan, bad tuid noh shabar ka dohnud jong u. Imat la sain dur ia ka long rynieng jong u, na Isbad ba la phrang bha. Hood u doh, u dait ia ka. Hynrei um shym la ktah satia ia ka jinglong kynthai barlot jong ka. Ka jingniewkor ia lade bad ka jingsngew jaboh ia ka jinglong bym khuid shuh ka Susan, ka la pyllait ia u Nam na ka shoh tyndep jong ka kam miet ki shijur.

Baron arngut kim nang iohthiah shuh; ki la sang ban ia kren bad ia pyni ia ki jingshisha. Susan baleit, baleit mo phi pan ia kblad

na nga?". Ka daw aiu, ne nga la kum pyn-sngewsih ne ia phi?" u la kylli.

"Bah Nam, baieit nga ruh nga ieit palat ia phi, kun.ba nga la pdiang ia phi naduh kaba nyngkong. Hynrei haba i Pa im shah, te ngam banse dan kohnguh ia I, wat la nga tip ba ha phi ngan sa shah kynnoh "ka riew kai".

"Susan haba kumta, nga kwah ban kylli ia phi kumne. Lada mynta i pa jong phi i pynber ia phi ban ia poi kha bad u briew uba phim mon ne don jingieit; phi mynjur ia kata?". La nang lam ksai shuh shuh u Nam uba da kwah eh ban ioh kem ia ka jinglong arsep jong ka.

"Em phi Nam, ia kata te ngam lah ban ong." 'Hoooid' ka por hi kan sa ialam lynti ha kum kine ki jing.h, la jubab lyngkot i Susan.

"Tangba... .. ka mon bajwat ban tei ia ka lawei kaba suk bad, kaba kmen nga ngeit ka shong hi ha phi marwei Susan; hynrei teng teng kum ki briew kiba don ka mon kaba kylluid, ngi ju kynnoh bad pynkit pop ruh ha kiwei. Nga lyngngoh Susan ba, tang hapdeng ki khyndiat sngi ba nga jah na phi; phi duh neh shi syndon ia, ka jingieit kaba janai tam kaba nga la ai haphi. Ne don mo uba, la tuh nob ia kane ka jingieit; ia nga na, ka dohnud jongphi?" Ha kum kane ka jingkylli.

ka Susan ka la jnang ban jubab. Ka pyrkhay shiphang arphang; nangta ka la ong. "Ym don uno uno uba la tuh noh ia ka jingieit jong nga ia phi. Hynrei kumba nga la ong, dei tang ka nion ban pynhun ia ka jingsngew I Pa"

U Nam dathew pat de uba la tip lut ia ka jingshisha jong ka jingpan-iakhlad jong ka na u, u la leh mynleh, kum uba da ngeit hok ia ka jingiathuh jong ka. Hynrei ka mynsiem ka, la kthang bad ba la sat syllang ka ksaid bad khih kum ka um saw ha i wahduid tang shu rang u 'lap praw. Bad da ka ka jingbyn banse u ong "Susan, nga ngeit ba kiei kiei baroh, kiba phi la ai daw, bad iathuh ha nga ki la long tang shi bynta jong kane ka jingeh. Hynrei namar ba ka dohnud jong ki brieve ka long kaba jylliew katta katta; bad ka long ruh kaba eh ban ngam sha ki jingjylliew jong ka bad iit ia ki jingshisha, te ka shong hi tang ha ka jingsngew jongphi ia ka hok bad ka pap lada phi lamler"

Tang shu ion sngew ia ka ktien ka hok ka pap na u Namdathew, ka Susan ka dem shapoh bad kam nud shuh ban peit pyrshah ia u (Namdathew). Ka jingiatiplem kala ktah, bad dung ia ka dohnud ba lung bad ba er sap jong ka.

"Te Susan, katto la biang. Nga la jeit ia phi naduh ka dohnud bad sa da kaei keih, ngan dang lah ban ai ne ban pyn shongdor?"

Nangta u Namdathew u bteng biang ia la ka jingkren, "Susan, ha phai ki khmat jong phi shanga. Nga da kwah eh ban kren khatduh ia phi, ha shuwa ba ngin ia khlad noh kun ba phi la kwah eh. Bad nga ngeit phin nym sngewrong ne sngewsih ia kaei kaba nga don ban ong"

"Ong seh, se ong ngam srgew eiei", ka la jubab.

Dei ha kane ka por ba u nam u peit ia ka na khlieh ha kjat khlem kren shi kyn-tien ruh. Ka Susan ruh ka peit shin sha u, la kumba ka thrang ban ioh sngew ia kaei kaba un ong ia ka. Kumne ki khmat jong ki, ki ia kynduh, bad iwei ia iwei ki shu ia peit, khlem nang shuh wat tang ban khaprip ne pynkhih ia la ki khmat. Katba nang peit ia ka, ka dohnud u Namdathew ka, um hin-ly-hin. Bad ka bor pyrkhat jong u, kum u khatrabor ka, la shu tlor noh. Ki umma ki shu tuid kynsan na ki arliang ngap jong u, la kumba bthej kynsan u lap praw ha ka por pyrem ba rangbha. Bad da kaba kren khni-iam, u ong, "Susan, nga tip, myata phi la kloï ban ieh ia nga tang namer ba phi la sngewdon lad shawei. Wat thok ne shukor ia nga, ioh, ha kaba kut phin sa shukor, iatadei

Nga la ioh pule ia kato ka shithi ba phi la don shawei mynne ha ka por ba phi dang iohthiah. Te balei kein phi shu pynkit pop ryn-jain ia la i pa ne kiba ha iing jong phi?. To tip kein ba ngam lah bat ia phi ne khang ia phi. Ka mon jong phi ka long kaba kyl-luid war. Bad ym don uba lah ban teh la-kam iaka".

Te la kumba pom u pyrthat rkhiang, ka Susan ka la thangiong ngain bad kylla bid dur bad dar. Hynrei wat la katta ruh ka dang nud hi ban talain ia u, da kumne bad kumtai khnang ban shu tap eit miaw ia la ka dohgud ba shukor, haba ka shem ba ym don jaka rieh shuh.

"Shano kata ka shithi? ai shane" ka ong, ka la pyrshang ban tare ia ka met u Nam shane bad shatai hynrei kam lap. U Nam u sei bluit na pla bad u kyrjaw bad tar noh shi syndon lyngkhot-lyngkhai. "Balei phi da tar? ia i shithi paralok ruh?" Ka la ong. Hynrei ba la win palat ka jingbitar u Nam um ioh sngew shuh ia kaei ba ka kren. Ka jingbitar ka la pynlong ia u uba kyllut bad u bym sngew.

Ynda u la dep tar, u la ong, "kein nol Susan kein noh, ngam sngew ei ei bad ngam buhnud ia phi. To ai kein ba i Pa jong phi in hun. Bad ka dei kein ia phi ban pynhun ia I. Bad kumjuh ruh ba phinsngew suk noh bad ban nym shukor shuh, nga ong to ngin ia

khlad noh bad ngan nai pynsngewsih ia i Pa jong phi ne ban thom pyrshah ia ka mon jong phi. "Ngan nai pynsngewsih lei. Ngan nai pynsngewsih lei" u iai ban ia kane ka juh ka kyntien.

"Bah Nam wat tim ia nga lane buhnud ia nga, lada phi. . . .". Kam nang shuh ban pynkut. "Ngam dei u khah uba shu dem kat sha ba beh ka lyer. Hynrei nga don ka mon kaba jwat; kum u khatarbor ba la kha phrangsngi I Mei. Te wat tieng ia nga, namar ngam kwah ban pynsngewsih ia phi ne kiba ha iing jong phi"

Kumne katba ka jingiakren jong ki, ka ia poi sha kaba kut; ka bneng ruh ka la kyngat shai. Bad ka la dei ka por ba ki briew kin kyndit na la ka jingioh thiah. U Nam u la ieng joit, u pan ia ka kti kamon jong ka, ban khublei khatduh ia ka, "Khublei Khublei, Ngan nai pynsngewsih lei, tang jingkynmaw bathiang kan iai sah ha ki rta bah jong ka por". Mar kumta wut kumba sied u thyllah u mih ban her bran la ka lynti.

Katba ka Susan pat ka shu shong sah haneta ha jingthiah la kumba shoh tyndep. Ka jaw ki ummat, bad babe kylla ia la, ka jingleh. Ka tip mynta ba u Namdathew u dei shisha, u khun phrang sngi u khun don burom ki briew. Hynrei longlehnohei ban dang babe, haba u Sim rynnaw u la dep suh khongpong shari sangam sha bym, ioh sngew shuh ia ka sun ne jingah jong ka.

U Namdathew pat u iaid la ka lynti khlem phai sha ka mon ne kadiang. Hynrei kaba pynsahnud ia u ka long, ba kumno kein un leit iathuh ha iing shaphang la u kni, u Maduh, lyn da u leit ha ing jong u. La poi ha ka khim, kumno yn leh. U iaid sharud shnong bad u la leit rieh ialade ha iwei i 'law bniap. Bad u ap sah hangta haduh ka por 7 baje mynstep. Te kum uba la ioh buit u mih bluit nangta ban leit peit ia la u kni.

Ha kane ka por u kni jong u dang shu khie thiah bad u dang bta khmat shabar. U Nam u la iohi lypa na jngai ia la u kni, kumta tang shu poi hajan u la pyrta, "Phi dang shu khie thiah ne Ma?" Hoodid kien khun, ba nga sngethait bad lwait eh ka net ka phad la kumba shoh u suid tynjang", la phai ktien u kni ryngkat bad ka peit lyngngoh ia u Namdathew ba u kloï poi dang step kumne. Nangta u Kni u kylli ia u Namdathew, "Me pat, mynno khun me wan poi Shillong?" La kylli u kni. "Nga dang shu poi mynshisngi phi naduh. Tang shu dep ka Exam. hi kein," u la ia thuh hok. "Te nga ngeit, me la leh bha ym dei ia ka Exam?" La kylli bad ban biang u Maduh. "Nga shu tharai ba ngan pass hi phi Maduh kumba ju long".

Te kare ka jingiakren hapteng jong ki, shi kni shi khun kala kut noh kumto, namar

ba i Nia Mon i khot noh ia la u lok ban iadih sha step. Te baroh arngut ki la ia rung ha iing. Kyngkat bad ka dih sha, bun ki khana ki ia sei nangne nangtai ryngkat bad ka kmen ka rkhe, katba kine hapoh ki shu long tang ki jingsngewbha kiba piar halor khlem da don kano kano ka jingkn.en kaba shisha na ka bynta u Nam.

“Phi tip Maduh, nga wan poi shane sha shnong jong phi mynhynnin mynniet. Hynrei uto u John u tan ia nga sha iing bad u pynbor ban sah miet bad u”.

“Ka bha li me khun ban pynhun ia la ki Paralok, khamtam lei lei uba la don ka kyrdan kum ma me. Lada mem treh ruh kin sa ong ia me uba sarong kyrieit”, la kren kubur u kni ia kaei kaba u Nam u la ia-thuh. Hynrei u Kni u.n shym la tip ei ei ruh em ba u khun pyrsa jong u, u la thok bad shukor ia u.

La ong ba ka por ha u Namdathew ka shu her bad mareh. Te um lap ba sngew-thuh, hangno ki jingiathuh khana ki kut. Bad kumno ki la sdang. U mih na iing u kni bad sha iing u leit ban pynlut ia ki sngi shuti ha ka jingim kaba shisur bad kaba jar jar.

Ka por, kumba la ong, ka shu her bad mareh sted. U Danny ruh kum u paralok baieit eh, u thoh shithi sngew lem bad kyntu

ia u Nam ban nym babe eh, ia kane ka jing-shukor ka Susan. Bad ha kane ka shithi u thoh ruh kumne "Nam, Don't worry, and do not submerge yourself into sadness, always remember this motto 'Miss' the one, get the better one". Bad da shisha kane ka jingthoh u Danny ka ai mynsiem shibun ia u Namdathew.

Ka result jong ka B.A. ka la mih, bad u Namdathew u la failed. U Namdathew u pan map na la ki kmie ki kpa bad u kular ban pyndep hok neh ia la ka kamram ban nynioh burom biang ia la ka iing ka sem; bad khamtam ia u hi. Nangne sha khmat, ki ong hana ba u Namdathew u la pass ia ka B.A. Exam, da kaba wan sha khmat duh jong ka University baroh kawei. Ka Nam jong u ka la phriang kylleng kylleng, la ha ka liang ka kyrdan ne ka akor ka burom. Bad rapdeng ki-to kiba tip ia kato ka jingjia jong ka snem, kaba u Namdathew u failed ha ka B. A. Exam. ki shu kymaw ia kaei kaba u ong. "Ngan pynsngewsih lei". Dei kane ka kyntien kaba la hikai ia u ban long u khla ka wait bad u khlur ba phyrnai ha ka iing ka sem, ha ka dong bad kumjuh ruh ha ka ri baroh kawei.

